



類函 百七六



三百八十七車 三百八十八食物

427  
176







此係明治八年八月廿八日  
 早稻田君以贈  
 早稻田書圖  
 早稻田書圖



淵鑑類函卷三百八十七

車部

車

輿

輿

輦

戎車

輶

輶

指南車

輶

輻

輻

輻

輻

輻

輻

車一

**原**釋名曰車古者曰車聲如居言行所以居人也今日曰車車舍也行者所以若居舍也

號軒轅氏 又曰墨車漆之正黑無飾大夫所乘也

又曰容車婦人所載小車也其蓋施帷所以隱蔽其形

容也 又曰檻車上施欄檻以格猛獸之車也 **原**譙

周古史考曰黃帝作車引重致遠少昊時畧加牛禹時

車部

淵鑑類函卷三百八十七

車



奚仲加馬 **增**書曰肇牽車牛遠服賈 毛詩曰惠而好我攜手同車 **原**又曰翹翹車乘招我以弓 **增**又曰其車既載乃棄爾輔車 又曰役車其休 又曰我送舅氏曰至渭陽何以贈之路車乘黃 又曰公車千乘 朱英綠騰 周禮曰巾車掌公車之政令 又曰王后之五路重翟錫面朱總厭翟勒面績總安車雕面鷲總皆有容蓋翟車貝面組總有幄輦車組輓有翳羽蓋服車五乘孤乘夏篆卿乘夏縵大夫乘墨車士乘棧車庶人乘役車 又曰大司馬中夏教茭舍如振旅之陳羣吏撰車徒 又曰一器而工聚焉者車為多 又曰凡

察車之道欲其樸屬而微至不樸屬無以為完久也不微至無以為蹙速也 **增**又曰輿人為車輪圓者中規方者中矩立者中縣衡者中水直者如生焉繼者如附焉 又曰輈人為輈軫之方也以象地也蓋之圓也以象天也輪幅三十以象日月也 **原**大戴禮曰王升車則聞鸞和之聲是以非僻之心無自入也在衡為鸞在軾為和馬行而鸞鳴鸞鳴而和應其聲曰和和則敬此御之節也 又曰上車以和鸞為節下車以佩玉為度禮記曰獻車馬者執策綏 又曰兵車不式武車綏旌德車結旌 又曰國君不乘奇車 獵車用謂之奇車 又曰



大夫七十適四方乘安車 又曰父母在饋獻不及車馬示民不敢專也 又曰夫為人子者三賜不及車馬 又曰山出器車河出馬圖先王能修禮以達義體信以達順故此順之實也 又曰太子不與同姓同車與異姓同車不同服 論語曰升車必正立執綏車中不內顧不疾言不親指 焦贛易林賁之恒曰舍車而徒亡其駁牛雖喪白頭酒以療憂 睽之兌曰黃馬綠車駕之大都讚達才能使我無憂 尚書大傳曰古之帝王者必有命民民能敬長憐孤取舍好讓舉事力者君命然後得乘飾車駢馬文錦未有命者不得衣不乘車

車衣者有罰

孝經援神契曰德至山陵則山出根車

注根車應載養萬物也

左傳曰奚仲為夏車正 白虎通曰制

車以步故立乘天子大路諸侯路車大夫軒車士飾車

**增**史記曰堯富而不驕貴而不舒黃收純衣彤車乘

白馬 **原**又曰古者封禪為蒲車惡傷土石草木 **增**

又曰淳于髡語騶忌子曰大車不較不能載其常任

後漢輿服志曰後世聖人觀於天視斗周旋魁方杓曲

以攜龍角為帝車於是乃曲其輪乘牛駕馬登險赴難

周覽八極故易震乘乾謂之大壯言器莫能有上之者

也 蜀志曰秦宓曰三皇乘祇車出谷口今之斜谷是



也 晉書輿服志曰聖人見秋蓬孤轉杓觴旁建乃作  
輿輪而方圓異則 宋書符瑞志曰金車王者至孝則  
出象車山之精也王者德澤流洽四境則出根車者德  
及山陵則出山車者山藏之精也不藏金玉山澤以時  
通山海之饒以給天下則山成其車 **原**山海經曰番  
禺生奚仲奚仲生吉光是始以木為車 **增**老子曰三  
十輻共一轂當其無有車之用 莊子曰醉者之墜車  
不害者其神全也 **原**管子曰奚仲之為車也方圓曲  
直皆中規矩鈎繩故機杼相得成器堅固主猶奚仲也  
言詞動作皆中術數故眾理相當上下相親巧者奚仲

之所以為器也主之所以為治也斲削者斤刀也故曰  
奚仲之巧非斲削 尸子曰文軒六駛是無四寸之鍵  
則車不行小亡則大者不成也 慎子曰行陸者立而  
至秦有車也 淮南子曰聖人觀飛蓬轉而為車以類  
取之也 賈誼曰古之為路輿也蓋圓以象天二十八  
橈以象列星軫方以象地三十幅以象月故仰則觀天  
文俯則察地理前視則聽鸞和之音旁觀則睹四時之  
運等威既辨貴賤有序此乃輿教之道也 蔡邕獨斷  
曰凡乘輿車皆羽蓋金華爪黃屋左翻金鑿黃屋者蓋  
以黃為裏也左翻者以旄牛尾為之大如斗在左駢馬



頭上金鏤者馬冠也。禮斗威儀曰山車垂句山車者自然之車也。句者曲也不揉治而自負曲故言垂句。風俗通曰車一兩謂兩兩相與體也。原其所以言兩者箱裝及輪兩兩而耦故稱兩爾。**增**唐柳宗元說車曰楊諤之將行柳子起而送之門有車過焉指而告之曰若知是之所以任重而行於世乎材良而器攻圓其外而方其中也材而不良則速壞工之爲功也不攻則速敗中不方則不能以載外不圓則窒拒而滯方之所謂者箱也圓之所謂者輪也。匪箱不居匪輪不塗吾子其務法焉者乎。陳祥道曰古者服牛乘馬引重致遠以

利天下則車之作尚矣。或曰黃帝作軒冕不可考也。車之制象天以爲蓋象地以爲輿象斗以爲杠。轂象二十八星以爲蓋弓象日月以爲輪。輻前軾而後戶前軌而後軫旁轆而首以較下軸而銜以鞮對人者謂之對車如舟者謂之舳。揉而相迎者謂之牙。軻之曲中謂之前疾。軛之上平謂之衡。衡之材與輿之下木皆曰任。以其力任於此也。轂之端與轆之下木皆曰軹。以其旁止於此也。軻可以名輿可以名車。達常可以名部。軻前橫木可以名輅。此又因一材而通名也。其爲車者有長轂有短轂有杼輪有倅輪有反揉有仄揉有兩輪有四輪有



有輻有無輻有曲轆有直轆有一轆有兩轆有直輿有曲輿有廣箱有方箱有重較有單較者或駕馬或駕牛或輓以人或飾以物或漆或素皆因宜為制稱事為文然論其任重則同稱為車論其等威則禮有屈伸名有抑揚也

車二

**原**括地圖曰奇肱國能為飛車從風遠行湯時西風久奇肱車至於豫州湯破其車不以示民後十年東風至乃復作車遣歸其國去玉門關四萬里周書王會曰成王時白州獻比閭者其葉若羽伐其木以為車終日

行左傳曰齊鄭盟於石門尋盧之盟也鄭伯之車僨

於濟

注僨者風也入濟水也

又曰鄭伯將伐許授兵於大宮公

孫闕與穎考叔爭車穎考叔挾輶而走子都拔棘以逐之及大逵弗及又曰桓公六年秋大閱簡車馬也

又曰天王使冢父來求車非禮也諸侯不貢車服天子不私求財又曰狄入衛齊侯使公子無虧戍曹歸公

乘馬祭服五稱歸夫人魚軒又曰潘黨既逐魏錡趙

旃夜至楚軍席於軍門之外使其徒入之楚子為乘廣三千乘分為左右王乘左廣以逐趙旃趙旃棄車而走

林屈蕩搏之得其甲裳史記曰楚俗好車車王以為



不便馬欲下令使高之孫叔敖曰令數下民不知所從  
不可王必欲高車臣請教閭里使高其柎乘車者皆君  
子君子不能數下車王許之居半歲民悉自高其車  
左傳曰晉侯使張駘輔躒致楚師求御於鄭鄭人卜宛  
射犬吉子太叔戒之曰大國之人不可與也對曰無有  
衆寡其上一也太叔曰培塿無松柏二子在幄坐射犬  
於外既食而後食之使御廣車而行已皆乘乘車將及  
楚師而後從之乘皆踞轉而鼓琴近不告而馳之  
又曰齊慶封來聘其車美叔孫曰服美不稱必以惡終美  
車何爲 又曰慶封奔獻車於季武子美澤可以鑑展

莊叔見之曰車甚澤人必瘁宜其亡也 晏子曰齊人  
好擊轂相犯以爲樂禁之不止晏子爲新車良馬與其  
人相犯曰擊轂者不祥下車而去之然後國人不爲  
家語曰孔子曰自南宮敬叔之乘我車也而道加行  
又曰孔子適衛子矯僕靈公與夫人南子同車出令宦  
者雍渠驂乘使孔子爲次車遊過市孔子恥之 孔叢  
子曰孔子使宰子於楚楚昭以安車象飾遺孔子宰子  
曰夫子無以爲也王曰何對曰臣自侍衛夫子以來竊  
見其言不離道動不遺仁貴義尚德清素好儉妻不服  
絲妾不衣帛車器不雕馬不食粟若夫觀物之麗靡窈



妙之浮音夫子過之弗聽也故臣知夫子之不用車也  
史記信陵君傳魏有隱士曰侯嬴年七十家貧為大  
梁夷門監者公子聞之往請於是乃置酒大會賓客坐  
定公子從車騎虛左自迎夷門侯生攝敝衣冠直上載  
公子上坐不讓欲以觀公子公子執轡愈恭戰國策  
曰馮驩客田文館彈鋏歌曰長鋏歸來乎出無車文乃  
與之車莊子曰秦王有疾召醫破癰潰瘻者得車一  
乘舐痔者得車五乘所治愈下所得愈多漢書曰陳  
平家乃負郭窮巷以席為門然門外多長者車轍又  
曰于定國父十公其閭門壞父老方共治之于公謂曰

少高大門間令容駟馬高蓋車我治獄多陰德未嘗有  
所冤子孫必有興者至定國為丞相永為御史大夫封  
侯傳世又曰景帝中六年五月詔曰吏者民之師也  
車服宜稱六百石以上皆長吏也出入與民無異令二  
千石車朱兩轡千石至六百石朱左轡又曰孝景季  
年萬石君石奮以上大夫祿歸老於家以歲時為朝臣  
過宮門闕必下車趨見路馬必軾焉子孫為小吏來歸  
必朝服而見之又曰內史石慶醉歸入外門不下車  
萬石君聞之不食慶恐肉袒請罪不許舉宗及兄建肉  
袒萬石君讓曰內史貴人入閭里里中長老皆走匿而



內史坐車中自如固當乃謝罷慶慶及諸子弟入里門趨至家 又曰霍光為奉常都尉光祿大夫出則奉車入侍左右出入禁闈二十餘年小心謹慎未嘗有過甚見親信 又曰田千秋為丞相年老上優之朝見得乘小車入宮殿中故因號曰車丞相 漢書曰武帝使使東帛加鮮安車以蒲裹輪駕駟迎申公弟子二人乘軺傳從至見帝帝問治亂之事 又曰黃霸為揚州刺史宣帝下詔賜車蓋特高一丈別駕主簿車緹油屏泥於軾前以彰有德 又曰薛廣德為御史大夫乞骸骨賜安車駟馬黃金六十斤罷廣德為御史大夫凡十月免

東歸沛太守迎之界上以為榮縣其安車傳子孫 後漢書曰桓榮為太子少傅賜以輜車乘馬榮大會諸生陳其車馬印綬曰今日所蒙稽古之力也可不勉哉 又曰寇恂為潁川太守殺執金吾賈復部將復恥之欲手劔擊恂恂遣谷崇以狀聞帝乃徵恂恂至引見時復先在坐欲起相避帝曰天下未定兩虎安得私鬪今日朕分之於是並坐極歡遂共車同出結友而去 又曰謝夷吾遷鉅鹿太守行春乘柴車從兩吏冀州刺史上其儀序失中有損國典左轉下邳令 又曰袁忠為沛相乘葦車到官以清亮稱 又曰韓康賣藥長安市口



不二價三十餘年一女子買藥康守價不移女子怒曰  
公是韓伯休耶乃不二價乎遂遜入山中桓帝以安車  
聘康乃佯諾自乘柴車先行亭長以韓徵君過方修道  
及見康柴車幅巾以爲田叟也奪其牛頃之知即徵君  
也康因道逃遜 又曰漢劉翊字子相張季禮遠赴師  
喪遇寒冰車毀頓滯道路翊即下車與之不告姓氏季  
禮以其爲子相也後故到潁陰還所假乘翊閉門不與  
相見 謝承後漢書曰州別駕從事車前舊有屏星如  
刺史車曲翳儀式刺史欲去別駕車屏星孔恂諫曰毀  
國舊儀即投傳去 應劭漢儀曰天子法駕所乘曰金

根車駕六龍以御天下也有五色安車有五色立車各  
一皆駕四馬是爲五時副車 漢雜事曰古諸侯貳車  
九乘秦滅九國兼其服故大駕屬車八十一乘尚書御  
史乘之最後一車懸豹尾以前皆似省中 魏志曰太  
祖軍擊破呂布召夏侯惇與同車載特見親重出入卧  
內諸將無得比也 又曰鍾繇遷太傅有膝疾拜起不  
便時華歆亦以高年疾病朝見皆使載輿車虎賁昇上  
殿就坐是後三公有疾遂以爲故事 宋鳳晉書曰咸  
寧中詔賜齊王攸之朝車設旗 增晉書曰車坐乘者  
謂之安車倚乘者謂之立車亦謂之高車自漢以來制



乘輿乃有之 又曰阮裕在剡曾有好車借無不給有人葬母意欲借而不敢言後裕聞之乃歎曰吾有車而使人不敢借何以車為遂命焚之 **原**又曰郭翻少有志操不交世事唯以漁釣射獵為娛以車獵去家百餘里道中逢一病人以車送之徒步而歸 東宮舊事曰太子納妃四望車羽葆鼓吹各一部 宋書曰漢制乘輿金根車輪皆朱斑重轂兩轆飛軫以金薄繆龍為輿倚較檠文畫輻文虎伏軾龍首銜軛鸞雀立衡檠文畫軾翠羽蓋黃裏所謂黃屋也金華施椽末建太常十二旂畫日月升龍駕六黑馬又加髦牛尾大如斗置左馼

馬輓上所謂左纛也又五色安車五色立車建龍旂施八鸞餘如金根之制猶周金路也太皇太后皇后法駕乘重翟羽蓋金根車駕青交輅青帷裳檠畫轅黃金塗五末皇太子皇子皆安車朱斑輪倚虎較伏鹿軾旂九塗畫降龍皇孫乘綠車 宋書曰沈慶之每朝賀常乘猪鼻無憶車左右從者不過三五人騎馬履行園田每農桑劇月從行無人遇之者不知三公也及廢帝賜三望車謂人曰我每遊履園田有人時與馬成三無人則與馬成二今乘此車安所用之乎 **增**又曰顏延之嘗乘羸牛笨車逢其子竣鹵簿即屏往道側嘗語竣曰吾



平生不喜見要人今不幸見汝 **原**後魏書曰高道穆  
為御史中尉莊宗姊壽陽公主行犯清路執赤棒卒呵  
不止道穆令棒破其車公主訴於帝帝曰清直之人所  
行者公事豈可私恨責之也 **增**唐書曰高宗時太常  
缺黃鐘鑄不能成李嗣真居崇業里疑土中有之弗得  
其所道上逢一車有鐸聲甚厲嗣真曰宮聲也市以歸  
振於空地若有應者掘之得鐘衆樂遂和 又曰楊再  
思延載初居宰相阿匱取容無所荐達於時水沴閉坊  
門以讓再思入朝有車陷於濘叱牛不前志曰癡宰相  
不能和陰陽而閉坊門遣我艱於行再思遣吏謂曰汝

牛自弱不得獨責宰相 又曰哥舒翰與安祿山戰以  
氈蒙馬車畫龍虎飾金銀爪目將駭賊倚戈矢逐北賊  
負薪塞路順風火其車燦熒燄突騰烜如夜士不復相  
辨自相鬪殺尸血狼籍久乃悟 又曰李光弼守河陽  
周摯攻北城光弼方壁中渾摯恃衆直逼城以車千乘  
載木鵝撞車麾兵填塹八道並進 又曰盧耽守成都  
蠻以雲梁鵝車四面攻士叫譟鵝車未至陴者以巨索  
鈎繫投膏炬車焚箱間蠻卒盡死 宋史曰李崇矩開  
寶初從征太原會班師命崇矩為後殿次常山被病帝  
遣太醫診視命乘涼車還京師崇矩叩頭言涼車乃至



尊所御是速臣死耳固辭得免 又曰曹彬位兼將相  
不以等威自異遇士夫於途必引車避之不名 廣輿  
記曰宋邵雍春秋出遊乘小車惟意所適士大夫家爭  
相迎候童孺皆歡然謂曰吾家先生至也 司馬溫公  
飯車說曰天雨迂夫出見飯車息於高蹊者指謂其徒  
曰是車也將覆不久矣行未十步聞謹聲顧見其車已  
覆其徒謂曰子何用知之迂夫曰吾以人事知之夫天  
雨道濘而蹊獨不濡又狹而高是衆人之所趨也而車  
不量其力固狹擅高久留不去以妨衆人之欲進者其  
能無覆乎禍有鉅於此者奚飯車之足云 宋史曰帝

大籍民車時沈括侍帝側帝顧曰卿知籍車乎曰知之  
帝曰何如對曰敢問欲何用帝曰北邊以馬取勝非車  
不足以當之括曰車戰之利見於歷世然古所謂兵車  
者輕車也五御折旋利於捷速今民間輜車重大日不  
能三十里故世謂之太平車但可施於無事之日爾帝  
喜曰人言無及此者朕當思之後事遂寢 又曰紹興  
二年王彥恢制神武戰車下安四輪畧同飛虎頂張布  
帷以避矢石傍斜衝擊其用如神又有拒馬車一人之  
力可以轉用比之蒙衝偏廂鹿角尤爲至要 元史曰  
張本篤孝事伯叔父皆甚謹伯父常病本晝夜不去側



復載以巾車步挽詣岱嶽禱之 明紀曰景泰中令廷  
臣議備邊良策兵部侍郎李賢言中國長策惟有所謂  
馬車若衛青之武剛車可以禦之車製四圍廂板內藏  
其人下留銃眼上開小窗長一丈五尺高六尺五寸前  
後左右橫排鎗頭每車前後占地五步若用車一千輛  
一面二百五十輛約長四里謂之有脚之城 又曰成  
化中陳選既貴顯服先人舊衣帶客至瓦器蔬食官廣  
東布政使行裝蕭然惟車一輛而已

車三

**原**游環

副轄 毛詩云游環在服馬背上參馬之外繼負之

游移前却無常處 蔡邕獨斷云乘輿之 周輿 殷

輅 上詳輿 朱蘭 紫蓋 續漢書輿服志云小使車者

收後魏書云安車紫蓋朱裏與公侯同于男卑蓋青裏

步輿 卧輦 上詳輿 青牛 白鹿 關內傳云尹

見東極有紫氣西邁喜曰應有聖人經過京邑果見老

與妻共載道逢 一器 六材 上見前 續漢書輿服

以時良 珠輪 銅較 華發 駟馬 賦云鞍轡緝裘珠輪

鉤 皮軒 革輅 胡廣云馬有轅車有府皮軒以虎

下詳輅 雀集 虹繞 尚書中候云秦穆公出行天震

車 虹見其船還拜蔣陵白虹復繞其車遂為孫峻所害



擲果 投石 語林云潘安仁至美每行老嫗以果擲

張景陽一作左太冲 折轅 跛馬 嘗台見諸郡計

史問前後守令能否蜀郡計掾樊顯進曰漁陽太守張

堪昔在蜀其仁以惠下威能討姦去職之日乘折轅車

謝承後漢書云王阜幼好經學年十一辭父母欲出

就學父母以阜少不允竊書負篋乘跛馬車從安定受

大就晉聞鄉里 記里 識道 晉安帝制如指南車東

駕駒中有木人執槌向鼓行一里則打一槌又輿服志

云司南記里諸車過江亡失制度謝安率意造焉及獲

京師舊輦形制無差 崔豹古今注云大 輓牛 駕

象 帝白帖云車轅之外輓牛曰牽傍 又云晉武 豹尾

馬隆討羌依八陣圖作偏廂車地廣為鹿角車營路狹

則為木屋施於車上且戰且前弓矢所及應弦而倒

原 鷓鴣 鷓鴣 白帖云晉因金根車更增其飾加毗

孫凡鼓吹陸則樓車樓上有翔鸞角金龍銜流蘇羽

三蓋 九遊 白帖云漢制九遊車 五色 七香 應幼漢官儀云天

九乘大駕為先乘 五色 七香 子應幼漢官儀云天

四馬又沈約宋書云立車五色 贈足 畫輪 四望通憶

七香車二乘 同載 專坐 乃同載而歸 又云晉和

特牛二頭 同載 專坐 乃同載而歸 又云晉和

乃先登專坐不容易勗自備車自此始異車 諸引

羊 挽鹿 車恣其所之宮人乃取竹葉莫知所適乘羊

以引帝車 列女傳云鮑宣妻桓少君始歸嫁饋甚厚

宣不悅少君乃悉歸侍御服飾更著短衣與宣共挽鹿

車歸鄉里拜公姑畢 靖室 充庭 輿駕祠甘泉汾陰

提籠出汲修行婦道 靖室 充庭 輿駕祠甘泉汾陰







尚書軍校加侍中常侍者皆給傳  
車給劍得入殿省與侍臣相隨  
笨晉書云王導妻曹氏性妒  
遲以所執塵尾柄驅牛而進  
廷欲加公九錫導勿之覺但謙  
惟有短轅轎車長柄塵尾導  
共遊洛中何曾聞有蔡克兒  
氏不慕榮華大妻共乘薄笨  
賀易為村里所誣一年二輪  
未均茵憑世說云梁曹景宗  
快馬如飛拓弓弩作磬聲謂  
數射之渴飲其血飢食其肉  
鼻頭出火使人忘死今來揚  
人輒言不可閉坐車中如三  
又云汲黯與周陽由同  
列共車未嘗敢均茵憑

車四

**原**導途轍合同軌車同左虛陵見前信前覆漢書云  
後車羊車漆畫輪又輿服志云護軍羊琇如輅伏兔箱  
戒其罪劉毅牛車相或乘牛車初將  
効形置兩輪問行則鳴從之前一器漢物也後樂十  
六朝物也又杜氏求子謂兒年五歲有鳩車之樂  
歲有竹也唐書云吐蕃圍鹽州  
馬之歡也為飛梯驚車以城  
道逢絢車鹽車戰國策云汗明見春中君曰麟之齒  
口流涎伯樂遭之下車攀而哭之解衣而幕之  
不能上伯樂遭之下車攀而哭之解衣而幕之  
於是備而噴仰而鳴聲達於天欣伯樂之知已也  
巢車左傳云晉楚戰於鄢陵楚子登巢車以窺晉  
伐宋宋人使樂嬰齊告急於晉晉侯欲救之伯宗曰不  
可乃止使解揚如宋使無降楚曰晉帥悉起將至矣鄭  
人因而獻諸樓車使呼宋人而告之遂致其君命  
許之登諸樓車使呼宋人而告之遂致其君命

車部

車

車

追



鋒車

傳云通遠則乘之

武剛車

漢書云衛青見匈奴

白鸞車

道經云太真文

白鸞車

鹵簿令云記里

四馬車左右金吾隊正一人在車執弓箭

傳云意為魯相出錢付戶曹孔訢修夫子車身入廟

凡席劍履孔子教授堂下林首有縣發夫子車身入廟

文曰後世修吾書董仲舒護吾天子車漢獻帝起居

車到官不發吾會稽鍾離意天子車漢獻帝起居

出中不得前李儼兵數百人皆持大戟在乘輿車左右

侍中劉艾大呼霹靂車魏志云太祖還官渡與袁紹

高增起土山射營中皆蒙楯衆大懼太祖乃竿摩車

魏志云董卓至西京為太師號曰尚父乘青車斑斑

蓋全華車爪畫兩轎時入號之曰尚父乘青車斑斑

後漢書云桓帝之初京師童謡曰城上烏尾車斑斑

吏子為徒一徒死百乘車車斑斑入河間河間姪女

數錢以錢為室金為堂石上慊慊春車延延後漢書

黃梁梁下有懸鼓我欲擊之丞相怒引車避如拜為上卿

之末京師童謡曰白益小車何引車避如拜為上卿

延河問來合諧河問來合諧引車避如拜為上卿

廉頗曰相如素賤人吾羞不忍為之下官言曰我見相

如必辱之相如聞不肯與會已而相如出望見廉頗相

避匿迴車避足將博其輪問其御曰此何也御

曰此是螳螂其為盡知進而不知退不量力而輕就敵

非公曰以為人為天下勇士矣於是迴車避之而勇

之士歸請為擲之論語顏路請子破為薪當食曰此勞

新所獎問之乃馳逐車說苑云晉平公為馳逐之車

破車脚為柴田老三過而不觀也平公曰善乃去車

下羣臣得觀焉以修敗是以不取觀也平公曰善乃去車

以奢亡紂以侈敗是以不取觀也平公曰善乃去車

步挽車北齊書云後魏大輪車九龍車年契丹遣使來

修竹為山之隨意所止散賞九龍車年契丹遣使來



龍九 白馳車 宋史云元度遷禮部侍郎使於遼

典客者曰此君 明遠車 潛確類書云明遠車古四望

所乘蓋異禮也 原辟惡車 古注云辟惡車秦制也桃弓葦矢

**增**相風車 漢西京雜記有相風車崔豹古

薄板車 云老子乘青牛 廣柳車 季布傳云置廣柳車

隨車 白帖云漢百里嵩為徐州 鶴乘軒 左傳云衛

鶴有乘 輜輶車 五代史云唐史圭為貝州刺史罷歸

車又張敞傳云若 輜輶車 潛確類書云輜輶車安

則溫開之則 原夏侯當車 尚書洪範五行傳云昌邑

不見日月賀欲出行光祿大夫夏侯勝當車諫 表益

曰天久陰不雨臣下有謀上者陛下欲何之

伏車 史記云文帝出趙同驂乘袁盎伏車前曰臣聞天

奈何與 敝車癯馬 說苑云趙簡子乘敝

馬 說苑云晏子朝乘敝車駕馬君乘之上臣亦乘之下民

之無義侈其衣食而不顧 排入車中 為相冲參軍嘗

其行何以禁之卒不受 推墮車下 漢書云漢

從冲行值暴雨微之因下馬 推墮車下 漢書云漢

入車中謂曰公豈獨得擅一車 推墮車下 漢書云漢

刑聞之自以精兵三萬人破漢軍漢王得 以數十騎

遁去道逢孝惠魯元載行楚騎追漢王 漢王急推墮二

子車下滕公下 公超驢車 無業常乘驢車至市賣藥

收載遂得脫 子訓驢車 白帖云驢子

而 子訓驢車 白帖云驢子

書郎從公 衛綰戲車 注曰戲車若今之弄車之技

孫弘借車 衛綰戲車 注曰戲車若今之弄車之技

**增**雲母飾車 袁子正書云不得乘時以賜仕公 錄金



飾車

唐書云萬壽公主車輿以錄金鈿飾帝命易以銅

**原**載物

服箱

紺

轅

翠轂

既勸登於馬力

亦退與於人謀

輔車

既不相依

脫輻如何前進

千里振策終不契需

五馭和鸞罕能反覆

俱白帖

車五

**增**詩

古詩歸曰武王書車曰自致者急載人者緩取欲

無度自致而反

**原**

梁孝元帝車名詩曰長墟帶江轉

連甍映日分佳人坐椒屋接膝對蘭薰繞砌縈流水邊

梁圖畫雲錦色懸殊衆衣香遙出羣日暮輕帷下黃金

妾贈君

戴嵩車馬詩曰鞏洛風塵處冠蓋相嗔咽多

稱魏其令競隨田蚡熱輪趨白虎第珂聚黃金穴獻酒

悉蒲萄訓言盡飛鐵東都虵已鑄西山綬應結朝集類

蒸煙晚至似吹雪子雲爾何事門巷無車轍

**增**唐李

嶠詠車詩曰天子馭金根滿輪闢四門五神趨雲至雙

轂似雷奔丹鳳栖金轄非能載寶軒無階忝虛左珠乘

奉王言 孟郊車遥遥詩曰路喜到江盡江上又通舟

舟車兩無阻何處不得遊丈夫四方志女子安可留郎

自別日言無令生遠愁旅雁忽叫月斷猿寒啼秋此夕

夢君夢君在百城樓寄淚無因波寄恨無因翰願為馭

者手與郎迴馬頭 又借車詩曰借車載家具家具少

車部



於車借者莫彈指貧窮何足嗟百年徒較走萬事盡隨  
花 張籍車遥遥詩曰征人遥遥出古城雙輪齊動駟  
馬鳴山川無處不歸路念君嘗作萬里行野田人稀秋  
草綠日暮放馬車中宿驚鷹遊兔在我傍獨唱鄉歌對  
僮僕君家大宅鳳城隅年年道上隨行車願爲玉鑾繫  
華軾終日有聲在君側門前舊宅久已拋無由復得君  
消息 宋孔武仲車家行詩曰上坂車聲遲下坂車聲  
快遲如鬼語相喧啾快如溪沙瀉鳴瀨一車人十捧擁  
行江南江北不計程青天白日有時住無人止得車輪  
聲晚來驟雨聲濯濯平曉郊原盡溝壑方悟車家進退

輓而龍轉就入轅而獸躍或歔臲而鳴鼻或參差而動  
脚咆哮歇轉鬱快隕閣見輪陰之翻亂視帶影之飛泊  
及其乘也或方夏虐暑炎氣歊烈浮慙動以來風輕紗  
飛而去熱纖埃著而即墜煩氣衝而受歇或固陰沍寒  
祁嚴凜厲復帷下而前屏重檐垂而後蔽霜露侵而靡  
及風颺激而不戾或油雲雨霈中遠半恢宏宇宙而雷  
奔杼軸割而去衍被洪流染而自落散水前而不霑云  
**增**唐張彥振大章車賦曰舜爲君兮禹爲相七政齊  
兮八風暢備禮容兮和樂章同車書兮一度量龍樓恭  
已則無爲以垂衣鸞躡豫遊或有時而端望伊大章之



攸作冠輪輿而為上其始也委材質於資斧授規模於梓匠其終也援桴鼓於天街動輓輓於霜仗乃畫界疏疆正位辨方候之以節步先之以啟行象雷而鳴曾不聞其靈轟如蓬之轉終不見其飄揚遵彼坦途違茲險阻忽忘情而習靜殊不知其處所類智者之行藏同至人之默語歷代傳寶鼓車逾好有異人謀死同靈造行不由徑動能合道向使貴賤混并高卑不問應無迷遠之疾詎有窮途之患則是大章為器國容之利指方位於遙空數田里於厚地節六鼓以躡駭首五路而鱗次望塵不及初非千里之遙聽響爭先終欣一日而至夫

難不如田家四時樂 梅堯臣見水牛拽車詩曰只見吳牛事水田只見黃犂負車輓今牽大車同一羣又與驟驢走長陌叩頭闊步塵蒙蒙不似緩耕泥泊泊一夜眠頭向南越鳥心腸誰辨白 金劉迎車輓輓詩曰馬虺隤牛馵餓山行縈紆車輓輓路旁指點是官人老矣一翁雙鬢禿汝牛幸可耕汝馬幸可騎有此可載琴書歸胡為奔走東西道白髮刁騷被人笑

**原賦**後梁甄元成車賦曰鑄金磨玉之麗凝土剡木之奇體衆術而特妙未若作車而載馳爾其車也名稱合於星辰圓方象乎天地夏言以庸之服周曰聚焉之器



制度不以陋移規矩不以飾異古今貴其同軌華夷獲其兼利爾其利也天子以郊祀田伐諸侯以朝聘會盟庶人以商農工賈夷狄以致蓄遷生爾其作也均輕重而攻材正陰陽而斲木既中正而合剖亦面勢而審曲候離婁之督繩須公輸而削墨布骸服之有定施爪牙之不忒既涉用於牛馬亦受命於羊鹿爾其容也侔蓋樹之獨立似高雲之出巘獨映水也如舞鸞之對鏡衆行陸也若翔鴻之赴遠聽長響之麟麟望遙儀之婉婉信有美兮宜比興徒欲貌兮不能辨及其駕也堅珊瑚之駐引絕羣之駭既絲鞞之縈頭亦銅鈎而瑩角始向

然則可以式序秩宗發揮樂府扶持輦轂隱翳干羽以冢形國何一二之能談自邇陟遐雖萬億而可數墨客胡爲來攀桂枝懸鼓待鳴仰淳淳之風俗尅車就駕識穆穆之威儀伊可大而可久諒斯焉而取斯 白行簡  
車同軌賦曰倬彼皇道大哉聖君窮厚載於宇宙俾咸駕於海濱故得遙遙之行周八埏而靡間彭彭之響經萬國而俱聞所以義在知方理資從式見軫轉而不阻諒輻輳而有則弘濟之利既均美於三無順動之端方齊功於一德是故達於疆場踐彼幽遐表合縱而道廣知轍跡而路賒亦由誠於險去其邪推善御於有截被



至治於無譁殊途同歸方見域中之大引重致遠是睹  
天下爲家然則將利於時必徵所措旣同轍而異履爰  
發軔而循度周流勿越誠轉蓬之足施輔轆非逾將挂  
轄而可布至若偈兮無外隱爾如斯念徵至而必繼嘉  
大同而在茲固將混區宇會華彝始曳輪而寧虧遠瀾  
終推轂而不失毫釐觀其政之大者道亦斯假苟憑軾  
而知風矧繫轅而合雅願踐履之奚到豈獨不東信應  
用之無疆寧惟諸夏原夫建皇極開帝功三才旣美九  
有攸同可使循環如貫運動不窮四會五達之莊悠然  
盡屆島彝卉服之俗逖矣皆通爾乃庶政聿修遐方可

討俾守位者將順其理利轉者必會其道故車書而混  
同誠鴻業之斯保 宋宋庠德車結旌賦曰君有至德  
時乘大車當偃革以無外乃結旌而有初奉駕陳儀采  
物雖資於備設鳴鸞示禮旂旒匪俟於垂舒順考前經  
鋪聞往說謂戎事以旣息貴君車之有結雍容撫軾蓋  
藏飾以尚純肅穆展鈴詎垂旖而就列蓋由柝乃盛飾  
昭夫令名雖冠品於輿服蔑揚威於旆旌肅軫無譁方  
斂藏於旂厲馳輪有度靡赫奕於綏纓且夫禮有質文  
器隨用舍車號乎德則崇化於邦本旌結其表則示人  
於天下意自象見名非人假君軒弭節孰訝乎卷而懷



之國乘制容益顯乎素為貴者是知車之用兮充德以  
成大旌之飾兮輔威而孔昭既武怒之不作信軍容而  
外銷組轡啟行陋邦旄之子子錯衡遵路殊風旆之搖  
搖若然則動有彛儀文無異色雖嚴駕以備物終去華  
而表德故使禮典攸重民瞻不忒皇皇整御始中括於  
采章轘轡肅容豈外揚於藻飾用能上載明德旁昭緝  
儀自駕言而戾止殊幅裂以藏之升降惟寅僅比非心  
之屋章明盡屏寧同止獵之綏大矣哉邦禮是崇帝儀  
資始實務德以垂教必收旌而昭理宜乎國容備而兵  
器銷率由茲而盡矣元楊鐵崖記里鼓車賦曰虛輪

暈軫橫轅倚輓平廂層構低高間施木鐻象以正立手  
潛奮以有攜列鼓鐻於上下各扣擊以司時

**原銘**後漢馮衍車銘曰乘車必護輪治國必愛民車無  
輪安處國無民誰與崔駰車左銘曰虞夏作車取象  
機衡君子建左法天之陽正位受綏車不內顧塵不出  
軌鸞以節步彼言不疾彼指不躬元覽於道永思厥中  
又車右銘曰擇御卜右採德用良詢納耆老於我是  
匡惟賢是師惟道是式箴闕旅賁內顧自救匪望其度  
匪愆其則越戒敦儉禮以華國又車後銘曰敬其在  
路體貌思恭望衡顧轂允慎茲容無或好佚匪盤於遊



顧省厥遺虎尾斯求昭德塞違抑盈以無雖有三晉咸  
然若虛 李尤小車銘曰員蓋象天方輿則地輪法陰  
陽動不相離合之嘽噓疏達開通兩輜障邪尊卑是從  
輓輓之用信義所同 又天駟車銘曰奚氏本造後裔  
飾雍輪以代步屏以蔽容輪駟并合出入周通追仁赴  
義惟禮是恭 **增**明方孝孺車銘曰以廣載以剛運險  
則止易則進眾材得職乃不僨 又曰眾器堅車乃良  
百戰得賢成乃功朽轅腐輻乘者殃

輅一

**原**釋名曰天子所乘曰輅輅車也謂之輅言行路也余

輅玉輅以金玉飾車也象輅革輅木輅各隨所名 白  
虎通曰天子大路路大也道也正也君至尊制度大所  
以行道德之正也 **增**尚書曰大輅在賓階而綴輅在  
阼階面先輅在左塾之前次輅在右塾之前 毛詩曰  
彼路斯何君子之車 又曰路車有奭篚第魚服鉤膺  
儻革 **原**周禮曰王之五輅一曰玉輅錫樊纓十有再  
就建太常十有二旂以祀金輅鉤樊纓九就建大旂以  
賓同姓以封象輅朱樊纓七就建大赤以朝異姓以封  
革輅龍勒條纓五就建太白以即戎以封四衛木輅前  
樊鵠纓建大麾以田以封蕃國 又曰車僕掌戎路之



萃廣車之萃闕車之萃革車之萃輕車之萃也萃副禮  
記曰鸞車有虞氏之路也鈎車夏后氏之路也大路殷  
路也乘路周路也又曰孟春之月天子居青陽左个  
乘鸞路駕蒼龍載青旂衣青衣服蒼玉孟夏之月天子  
居明堂左个乘朱路駕赤騮載赤旂衣朱衣服赤玉季  
夏之月天子居太廟大室乘大路駕黃騮載黃旂衣黃  
衣服黃玉孟秋之月天子居總章左个乘戎路駕白駱  
載白旂衣白衣服白玉孟冬之月天子居元堂左个乘  
元路駕鐵驪載元旂衣黑衣服元玉左傳曰清廟茅  
屋大路越席大羹不致粢食不鑿昭其儉也又曰密

須之鼓與其大輅文所以大蒐也

**增**論語曰乘殷之

輅史記孔子曰殷輅車為善而色上白

**原**晉摯虞

會朝堂五輅制度議曰諸車之合於法度可以示訓者  
則輅為名亦猶殿堂之正者則曰路寢也

**增**淮南子

曰堯之有天下也茅茨不翦采椽不斲大路不畫

**原**

張衡東京賦曰奉引既畢先輅乃發鸞旗皮軒通帛舊  
帛又曰結飛雲之袷輅樹翠羽之高蓋曹植七啟

曰駕雲龍之飛駟飾玉輅之繁纓垂宛虹之長綏抗招  
搖之華於文選序曰椎輪為大輅之始大輅寧有椎

輪之質

車部

輅

輅



輅二

**增**隋書曰舊制五輅於轅上起箱天子與參乘同在箱內何稠曰君臣同所過為相偏乃廣為盤輿別構闡楯侍臣立於其中於內復起須彌平坐天子獨居其上唐書曰貞觀初太宗親郊命裴寂與長孫無忌升金輅寂辭帝曰公有佐命勲無忌宣力王室非二人誰可參乘者遂同載歸 又曰李勣從秦王伐東都戰有功乃振旅還王為上將勣為下將皆服金甲乘戎輅告捷於廟 宋三朝志曰五輅副輅輿輦多仍唐舊而玉輅自唐顯慶中傳之號顯慶輅太僕所藏親郊則乘之制度

精巧行止安重載太常關戟分左右均輕重後世良工莫能為之自唐至本朝凡三至太山登封世傳神物護之

輿一

**原**易曰輿脫輹 又曰壯於大輿之輹 周禮曰有虞氏尚陶夏后氏尚匠殷人尚梓周人尚輿 韓子曰輿人成輿則欲人富貴非與人仁不貴則不售也 曹植七啟曰駕超野之駟乘追風之輿 左思吳都賦曰輕輿按轡以經隧樓船舉帆而過肆

輿二

車部

輿

輿

輿



原陳留者舊傳曰洛陽令董宣死詔使視之有簡輿一  
乘白馬一匹帝曰董宣之清死乃知之 語林曰諸葛  
武侯與晉宣帝在渭濱將戰宣帝莅事使人視武侯乘  
素輿葛巾持白羽扇指麾三軍皆隨其進止宣帝聞而  
歎曰可謂名士 魏志曰太祖遣張遼屯合肥進遼爵  
都鄉侯給遼母輿車及兵馬送遼家詣屯救遼母至導  
從出迎將吏羅拜道側觀者榮之 吳志曰黃初二年  
立孫登為太子選置師傅銓簡秀士以為賓友於是諸  
葛恪張休顧譚陳表等以選入侍講詩書出從騎射登  
接待僚屬畧用布衣禮與恪休譚等或同輿而載或共

帳而寐 晉起居注曰太始四年正月臨軒太宰安平  
王孚載輿升殿 晉諸公讚曰傅樞以足疾遜位不許  
乘板輿上殿 東宮舊事曰太子有步輿一 **增**唐書  
曰房元齡病稍間詔許有輿上殿 又曰令狐綯為翰  
林承旨夜對禁中燭盡帝以乘輿金蓮華炬送還院吏  
望見以天子來及綯至皆驚 五代史曰唐莊宗以盧  
程為中書侍郎同平章事是時朝廷制度未備程拜命  
之日肩輿導從喧呼道中莊宗聞其聲以問左右左右  
對曰宰相擔子入門莊宗登樓視之笑曰所謂似是而  
非者也 宋史曰張從恩遷檢校太尉開封尹充東京







云褚無量復故官以耆老隨仗聽  
徐行又為設腰輿許乘入殿中  
賜步輿聽乘至閣又云崔祐甫

被疾詔肩輿至中書卧而承旨  
王子搜不得從之丹穴王子搜不肯出越人薰之以艾

乘以玉輿王子搜援緩登車仰天而呼曰君乎君乎獨  
不合我乎王子搜非惡為君也惡為君之患也若王子

搜者可謂不以國傷生矣此固越人之所欲得為君也  
舉籃輿晉書云陶潛解印後有脚疾使一門生二

輦

輦一

**輦** 說文曰輦輓車也 六書故曰輦車用人輓者也

毛詩曰我任我輦 周禮曰小司徒登其鄉之眾寡六

畜車輦 又曰鄉師大軍旅會同正治其徒役與其輦

輦 又曰輦車組輓有翳羽蓋 隋書曰輦制象輅車

而不施輪通臆朱絡飾以金玉 司馬法曰夏后氏謂

輦曰余車周曰輜車輦一斧一斤一鑿一裡一鋤周輦

加二版一築 又曰夏后氏二十人而輦殷十八人周

十五人而輦 荀子曰天子召諸侯諸侯輦輿就馬

**原** 呂氏春秋曰富貴而不知道適足以為患不如貧賤

貧賤之致物也難雖欲過之奚由出則以車入則以輦

務以自佚命之曰招蹙之機富貴之所致也 **增** 通典

曰夏后氏制輦秦為入君之乘漢因之以雕玉為之方

徑六尺或使人輓或駕果下馬 六典注曰古謂人牽

為輦後漢有乘輿六輦

車部

輦

輦

輦



輦二

**原**漢書曰文帝郎官上書未嘗不止輦受其言 又曰馮唐祖父趙人也父徙代漢興徙安陵唐以孝著為郎中署長事文帝帝輦過問唐曰父老何自為郎家安在具以實言 漢武故事曰上起明光宮發燕趙美女二千人充之常從行之徒與上同輦者十六人員數恒使滿 又曰帝輦至郎署見一老郎鬚髮皓白衣服不整上問曰公何時為郎對曰臣顏驕江都人也以文帝時為郎上曰何其老也對曰文帝好文而臣好武景帝好老而臣尚幼陛下好少而臣已老是以三世不遇也

漢書曰傅昭儀有寵於上生定陶恭王恭王有才藝上甚愛之坐則同席行則同輦 又曰孝成帝遊於後庭嘗與班婕妤同輦載婕妤辭曰觀古圖畫賢聖之君皆有明臣在側二代末主乃有嬖女今欲同輦得無近似之乎上善其言乃止 **增**後漢書曰陰就以外戚貴盛

使人要劫井丹既至設食就起左右進輦丹笑曰吾聞桀駕人車豈此耶坐中皆失色就遂令去輦 **原**東觀漢記曰明帝幸南陽所在見吏勞賜步行觀部署不用輦也 晉東宮舊事曰皇太子有坐輦步輿 晉書曰左思妹名芬少好學善綴文名亞於思武帝聞而納之



後為貴嬪姿陋無寵以才德見禮體羸多患常居薄室  
 帝每遊華林輒回輦過之言及文義辭對清華左右侍  
 聽無不稱美 後魏書曰天樓輦輶十二加以玉飾衡  
 輪乘輿輅用駕牛十二 又曰乾象輦羽葆圓蓋晝日  
 月五星二十八宿大階雲漢山林雲氣神仙聖賢明忠  
 孝節義游龍飛鳳朱雀元武白虎青龍奇禽異獸可為  
 飾者皆辨圖焉皇太后祭郊廟則乘之 **增**通典曰唐  
 高宗不喜乘輅每有大禮則御輦至武后以為常元宗  
 以輦不中禮廢而不用 **增**開元遺事曰姚崇為學士明  
 皇思崇論時務久雨泥濘令侍御者步輦召來中外

之

輦三

**原** 雕輦 張衡東京賦云虎戟交鏃龍路充庭是時稱警蹕已下雕輦於東廂 玉輦 潘岳賦云天子乃御玉輦陰華 蓋衡牙錚鎗綃紈粹縑 大輦 晉書云桓元造大輦

人昇 小輦 魏畧云孟達降文帝乘小輦執手拊其背而戲之曰得無為劉備作刺客耶 增 陪輦 唐書云李泌山 賜輦 唐李叔明傳云朝京師

見 **原** 碧玉輦 王子年拾遺記云周穆王馭黃金碧玉輦從朝及暮而窮宇宙之內徧焉 紫雲輦 漢武內傳云西王母乘紫雲之輦 雲母輦 晉公卿禮秩云

給雲母 香衣輦 晉太康起居注云齊王 金根輦 鄴 記云石虎南郊有金根輦雲母輦武剛輦數百乘虎皇 后出乘高路輦香衣輦或朱漆卧輦以純雲母代純中

車部 尚監類聚卷三百八十七 輦



外四望 皆通徹 金華輦 趙書云皇后出 駕鹿輦 靈寶五

北方有夜光玉女服雲林之翠羅駕鹿輦 乘板輦 趙

於天河護二像而不敢保羣命以永和 增畫扇輦 後魏志云入閣

和尚嘗乘板輦於大水大 金鈿輦 通典曰劉裕執慕

同案圖今之黑漆畫扇輦 與周之輦車其形相似 金鈿輦 容起獲金鈿輦

逍遙輦 玉海云宋祥符二年詔以天平輦為登封

大安輦 玉海云宋乾興元年禮院 原乘步輦 晉書云

太子少傅講武於宣城 作獵輦 鄴中記云石虎好遊

場時有疾詔乘步輦 金塗 漢書云霍禹廣治第室作乘輿輦如畫繡網馮黃

坐處施轉關若射鳥獸宜有所向開身而轉之 黃

綵絲輓 上詳 乘輦升山 禪嘗乘玉輦以升山 扶

輦下除 漢書云李陵謂蘇武曰前長君為奉車從至雍 剗賜錢一

戎車一 通考曰戎車夏后氏曰鈞車先正也殷曰寅車先疾

也周曰元戎先良也 原白帖曰戎車飾如耕車 毛

詩曰元戎十乘以先啟行 又曰戎車既安如輕如軒

禮記曰兵車不中度不鬻於市 又曰兵車不式 戎車二

先驅 孫子兵法云有中蓋 後殿 孫子兵法云輕

謂之武剛車為先驅也 戎車 輅車

尚監領函卷三百八十七



綏旌

禮記云武

建戟

白帖云漢因周制有輕車同

麾

建麾幢

又云晉輕

載金鼓

又云宋戎

藏

在武庫

又云漢戎車大駕出

置弩軾上

又云

戎車置甲

有巾有蓋

見

不巾不蓋

漢戎車不

巾不蓋

軺車一

**原**釋名曰軺車軺遙也遠也四向遠望之車也說文

曰軺車小車也

**增**晉書輿服志曰軺車者古之將軍

車也一馬曰軺車二馬曰軺傳漢貴輜駟而賤軺車晉

重軺車而賤輜駟

軺車二

**禮**史記曰武帝算軺車漢書曰元始三年詔劉歆等

雜定昏禮四輔公卿大夫博士郎吏家屬皆以禮娶親

迎立軺併馬又曰元始五年徵天下通知逸經古記

者所在為駕一封軺傳遣詣京師又曰梅福求假軺

傳詣行在所條對急政**原**謝承後漢書曰許處家貧

為督郵乘牛車鄉曰軺車督郵晉書曰李矩假為榮

陽太守招懷離散遠近多附之石勒親率大眾襲矩矩

遣老弱入山命所在散牛馬因設伏待之賊爭取牛馬

伏發齊呼聲動山谷遂大破之斬獲甚眾勒乃退元帝

加矩冠軍將軍賜軺車幢蓋進爵陽武侯**增**又曰元

車部

禮記卷之五十五

軺車指南車

三五



帝假陶侃赤幢曲蓋輅車鼓吹

指南車一

**增**黃帝內傳曰元女為帝制司南車當其前記里鼓車居其右 **原**崔豹古今注曰黃帝與蚩尤戰於涿鹿之野蚩尤作大霧軍士皆迷路帝作指南車以示四方遂擒蚩尤 又曰指南車者周公所作周公致治太平越裳氏重譯來朝使者迷其歸路以駟車五乘皆為司南之制載之而行暮年得返其國奉使大夫婁將送至國而還亦乘司南復暮年而返上以其車屬中車氏行而載之常為清導車法具在尚方故事 **增**宋書輿服志

曰指南車其始周公作後漢張衡始復創造漢末其器不存義熙十三年宋武帝平長安始得此車其制如鼓車設木人於車上舉手指南車雖回轉所指不移大駕鹵簿最先啟行 **原**鹵簿令曰指南車駕駟馬正道匠一人駕士十四人 **述**征記曰尚方北門中有指南車車上有木仙人持信旛車轉而人常指南 鬼谷子曰鄭人之取玉也必載指南之車為其不惑也 韓子曰先王立司南以端朝夕 左思吳都賦曰俞騎騾路指南司方出車鑿鑿被練鏘鏘

指南車二

車部

尚方輿考卷三十一

指南車



原崔豹古今注曰指南車漢末喪亂其法中絕馬鈞悟而作焉今指南車馬先生之遺法也

**增**崔鴻後趙錄

曰尚方令解飛機巧若神妙思竒發造指南車就賜爵關內侯

指南車三

**增**賦唐張彥振指南車賦曰緬窺皇始傾聽巢風時儀朴畧化跡暝蒙結繩云謝徽章漸通乃服牛而乘馬爰斲木而觀蓬故聖人因象以制器隨物而與功北斗在天察四時而行度司南在地表萬乘之光融爾其法制竒詭神妙無窮見其指而皆知其向覩其外而莫測其

中輪須藉於奚子妙乃發於周公觀夫作也扃關脉奏衡樞星設煙縈雷轉鬼聚神滅離朱目亂計然思絕公輸服其心工王爾慙其手拙雖詞給而口敏終難得而屢說至於帝容順動王途允泰二月東巡萬國南會羽衛出而天動笳鼓鳴而雷磕司南於是備屬車引行旆候薰風而進止仰卿雲而乘蓋超搖光景之中縹緲煙霞之外同夫越鳥常有意於南枝異彼魯人竟無情於殿最惟皇明之遠矚驅八駿以遐舉既訪道於襄城亦尋仙於海渚豈須老馬之智寧藉小童之語賴我司南不迷其所伊司南之用薄逢國道之昌平就日月於天



路聞簫韶於玉京常使朝朝承北闕何辭歲歲指南行

雲母車

**賜王公** 袁子正論云以雲母飾車謂之雲母車 賜王公 迎惠帝

**賜蜀主** 吳百官錄云劉蜀主

**獲淝** 淝水獲所乘雲母車 贈齊王 晉太康起居注云齊王出

**犢車** 釋名曰羊車羊祥也祥善也善餅之車今犢車是也

犢車二

**與季禮** 謝承後漢書曰劉翊賑貧乏陳國張季禮

犢車一

與季禮 師喪時值冰寒車毀牛病不能進翊以所乘

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

犢車 犢車 犢車 犢車 犢車 犢車 犢車 犢車 犢車 犢車

風俗通曰鹿車柴車也窄小裁容一鹿故云漢元散

鹿車 鹿車 鹿車 鹿車 鹿車 鹿車 鹿車 鹿車 鹿車 鹿車

鹿車 鹿車 鹿車 鹿車 鹿車 鹿車 鹿車 鹿車 鹿車 鹿車

鹿車 鹿車 鹿車 鹿車 鹿車 鹿車 鹿車 鹿車 鹿車 鹿車

鹿車 鹿車 鹿車 鹿車 鹿車 鹿車 鹿車 鹿車 鹿車 鹿車

鹿車 鹿車 鹿車 鹿車 鹿車 鹿車 鹿車 鹿車 鹿車 鹿車

鹿車 鹿車 鹿車 鹿車 鹿車 鹿車 鹿車 鹿車 鹿車 鹿車

鹿車 鹿車 鹿車 鹿車 鹿車 鹿車 鹿車 鹿車 鹿車 鹿車



郎乘之

鹿車二

列女傳曰漢鮑宣妻桓少君宣嘗就少君父學父奇其清苦故以女妻之裝送資賄甚盛宣不悅曰少君生富驕習美飾而吾實貧賤不敢當禮妻乃悉歸侍御服飾更著短布裳與宣共挽鹿車歸鄉里拜姑禮畢提甕出汲修行婦道鄉邦稱之 後漢書曰更始敗趙熹為赤眉兵所圍迫急乃踰屋亡走與所友善韓仲伯等數十人攜小弱越山阻徑出武關仲伯以婦色美慮有强暴者而已受其害欲棄之於道熹責怒不聽因以泥塗

仲伯婦面載以鹿車身自推之每道逢賊或欲逼畧熹輒言其病狀以此得免 東觀漢記曰杜林拘於隗囂終不屈節建武六年弟成物故囂乃聽林持喪東歸既遣而悔追令刺客楊賢於隴坻遮殺之賢見林身推鹿車載致弟喪乃歎曰當今之世誰能行義我雖小人何忍殺義士因亡去 北堂書鈔曰董允少與費禕齊名許靖喪子允與禕欲同會其葬所允白父和請車和遣開鹿車給之允有難載色禕便前上和謂允曰始吾嘗疑汝與禕而今而後吾意了矣 晉書曰劉伶嘗乘鹿車攜一壺酒使人荷鍤而隨之謂曰死便埋我

車部

列女傳卷三十一

鹿車 轅

三十一



轅

**增**釋名曰轅援也車之援也 方言曰楚衛之間轅謂之輶 詩詁曰車前直木上勾衡者謂之輶亦曰轅 **原**毛詩曰小戎伐收五檠梁輶 周禮曰輶有三度國馬之輶深四尺有七寸田馬之輶深四尺駑馬之輶深三尺有三寸 又曰凡揉輶欲其孫而無弧深今夫大車之輶摯其登又難既克其登其覆車也必易此無故惟輶直且無撓也 又曰輶欲頎典輶深則折淺則負輶注則利準利準則久和則安輶欲弧而無折經而無絕進則與馬謀退則與人謀終日馳騁左不捷行數千

里馬不契需終歲御衣衽不敝此唯輶之和也勸登馬力馬力既竭輶猶能一取焉

輶二

**晏**子春秋曰甯戚欲干齊桓公困窮飯牛於郭門之外望見桓公乃擊輶而歌桓公憫而異之命後車載之 韓子曰吳起為魏武侯西河守秦有小亭臨境吳起欲攻之不去則甚害田者去之則不足以徵甲兵於是乃倚一車輶於北門之外而令之曰有能徙此南門之外者賜之上田上宅人莫之徙也及有徙之者還賜之如令 續漢書曰漢承秦制為乘輿左右吉陽箒鸞雀



立衡據文畫輶 漢書曰侯霸守臨淮被召百姓攀  
輶卧輶願留暮年 東觀漢記曰江革母年八十革  
不欲搖動之常自居輶輶車不用牛馬 晉儀注曰皇  
后乘油畫雲母安車駕六馬油畫雲母兩輶也 南  
史曰王敬弘以女適孔淳之之子以烏羊繫所乘車輶  
提壺為禮至則盡歡共飲

輶三

**原**右輶 左傳云楚為敖為宰擇楚之令典軍行右輶左  
者追求草 南輶 左傳云令尹南輶反旆 紘輶 潘岳  
賦云蔥寤服於縹輶 阜輶 阜輶 華輶 華輶

行輶 東坡詩云故關 沃輶 左傳云楚子與若敖氏  
輶及鼓附著於丁寧又射沃輶以質笄輶師懼退 挾  
杜預注曰輶車輶沃過也箭過車輶上丁寧鉦也 挾  
輶事見前 折輶 短輶

輪一

**增**釋名曰輪綸也言彌綸也 說文曰有輻曰輪無輻  
曰輪 方言曰輪韓楚間謂之軟或謂之軹關西謂之  
輶 原毛詩曰坎坎伐輪 增周禮曰兵車之輪六尺  
有六寸田車之輪六尺有三寸乘車之輪六尺有六寸  
原又曰輪人為輪斬三材必以其時三材既具巧者  
和之 又曰察車自輪始 又曰凡為輪行澤者欲杼

車部

增補通雅卷三百七

輪

增



行山者欲侔杼以行澤則是刀以割塗也是故塗不附  
侔以行山則是搏以行石也是故輪雖敝不礙於鑿  
後漢書曰上古聖人見轉蓬始知為輪輪行可載因物  
智生復為之輿輿輪相乘流運罔極任重致遠天下獲  
其利

輪二

**原**莊子曰齊桓公讀書於堂上輪扁斲輪於堂下釋椎  
鑿問桓公曰敢問公之所讀者為何言耶公曰聖人之  
言也曰然則君之所讀者古人之糟粕已以臣之事觀  
之斲輪徐則甘而不固疾則苦而不入不徐不疾得之

於手而應於心臣不能以喻臣之子臣之子亦不能受  
之於臣是以行年七十而老斲輪 漢書曰薛廣德為

御史大夫直言諫諍上出便門欲御樓船廣德當乘輿  
免冠頓首曰宜從橋陛下不聽臣臣自刎以血汚車輪

又曰霍禹韋絮薦輪

注云以韋絮輪者之以絮也

**增**又曰王莽

造四輪車駕六馬力士三百人黃衣赤幘

**原**續漢書

曰光武嘗欲出游尚書令申屠剛諫以頭軻乘輿車輪  
帝遂為止 後漢書曰張綱為侍御史安帝遣杜喬等

八人按行風俗綱獨埋其輪於洛陽都亭曰豺狼當道  
安問狐狸遂奏大將軍梁冀兄弟



輪三

**原**畫輪

東宮舊事云皇太子初拜有畫輪四望車皇太子納妃亦乘之

縵輪後漢輿服志云

龍繞之

曰關猪車親校獵乘之

朱輪漢書云楊

十人

原華輪張協車親校獵乘之

朱輪漢書云楊

輪香輪

原華輪張協車親校獵乘之

朱輪漢書云楊

未絲絡

原兕依輪戰國策云楚王遊於雲夢結綉千

朱輪漢書云楊

兕虎車

若雷霆有狂兕野火之起也

朱輪漢書云楊

輪而至于

親引弓射之一發而碎

朱輪漢書云楊

太子之至

靈臺蛇繞左輪御曰太子下拜吾聞國君

朱輪漢書云楊

之子蛇繞

左輪者速得國太子遂不行返仗劍而死

朱輪漢書云楊

**增**賦唐王起蒲輪賦曰王者崇招隱之禮作徵賢之車

輪四

既斲輪而合度亦安蒲而用諸將使丘園共賁岩穴皆  
虛則必旌其重既建此大輿輪合大規取邁而行陸蒲  
兼柔質取坐以安車固覆其軌轍可歷於丘墟載以歸  
朝盡是漸鴻之翼駕而出野方隨繫鶴之書恒翹翹而  
隱隱諒求士之本歟若乃山騁異人林栖隱者鳥獸之  
羣方維辟蘿之衣未捨或屠釣而忘名或版築而在野  
恥芟芟之帛厥禮未崇笑子子之旌好善猶寡然後時  
主反席哲匠精研載脂載轄既攻既堅蒲也採陂澤之  
叢有車之用輪也斲陰陽之木如日之園輶輶方出中  
朝之禮盛麟麟兮入外野而光宣於是經營草澤輶輶

車部

法鏡類以考三十一

輪軸

四



雲煙瞻其儀無虧乎翼翼聆其響且異乎闐闐可以出  
嘉遁之碩德可以載傲俗之遺賢空谷有車自爾而方  
繫鳴臯者鶴假我而聞天豈獨邀申公於是日徵鈞叟  
於昔年則知輪之設蒲巖高是啟將毗王者之政先保  
賢人之體至萬里之安安成百僚之濟濟豈比夫織而  
為席表臧孫之不仁緝以成宮昭令尹之非禮方今雋  
已在官輪猶未安傍搜叢桂遠掇幽蘭士不病於邁種  
賢盡出於峰巒是蒲輪之禮也乃王化之端而已哉

軸一

**增**釋名曰軸抽也入轂中可抽出也 說文曰軸持輪

也 **原**世本曰衛公叔文子作輓軸 周禮曰軸有三  
理一者以為媿也二者以為久也三者以為利也 史  
記淳于髡曰豨膏棘軸所以為滑也然不能運方穿  
莊子曰軸不運而致千里

軸二

**原**左傳曰齊侯執陽虎將東之陽虎願東乃囚諸西部  
盡借邑人之車鑿其軸麻約而歸之載蔥靈寢於其中  
而逃追而得之曰囚於齊又以蔥靈逃奔宋遂奔晉  
史記曰燕破齊田單令宗人車軸末傳鐵籠安平城壞  
齊人爭走軸折車敗為燕所虜惟單宗人以鐵籠得脫

車部

淵鑑類函卷三百八十七

軸 轂

四



又曰須賈謂范雎曰吾馬病車軸折非大車駟馬吾  
不出范雎曰願為君借大車駟馬於主人翁范雎歸取  
大車駟馬為須賈御之入秦相府

轂一

**釋名**曰轂埵也體堅埵也三十輻共一轂 說文曰

轂輻所湊也 **原**毛詩曰文茵暢轂駕我騏驎 周禮

曰轂也者以為利轉也 鄭注云利轉者以無有為用也 **增**又曰望其

轂欲其眼也進而眡之欲其憺之廉也無所取之取諸

急也 又曰凡斬轂之道必矩其陰陽陽也者慎理而

堅陰也者疏理而柔是故以火養其陰而齊諸其陽則

轂雖敝不斲轂小而長則柞大而短則摯 **原**又曰行

澤者欲短轂行山者欲長轂短轂則利長轂則安 鄭注云澤險苦其大安山險苦其大制

**增**禮記曰顧不過轂 **原**史記曰炙

轂輶髡 漢書曰王者之遣將也跪而推轂曰闔以外

將軍制之 老子曰三十輻共一轂當其無有車之用

蔡邕獨斷曰凡乘輿車方銳繁纓重轂副轄重轂者

轂外復有一轂施轄其外乃復設牽施銅金鏤形如緹

亞飛軫以緹油廣八寸長注地左畫蒼龍右白虎繫軸

頭今二千石亦然但無畫耳 風俗通曰桑車榆轂聲

聞數里 俗說云凡人桑桑作車又以榆為轂牢強朗徹聲響乃聞數里 楚辭曰瓊轂

車部

車部

轂

楚辭



錯衡英華假只

轂二

**原**春秋考異郵曰黃池之會滕薛夾轂魯衛參乘 前漢書曰萬章門車常接轂 謝承後漢書曰鄭弘為臨淮太守行春有兩白鹿夾轂而行主簿王國賀曰三公車轡畫象鹿明府其為相乎後果為太尉 後漢書曰崔駰祖母師氏能通經學百家之言王莽寵以殊禮賜號義成夫人金印紫綬文軒丹轂顯於斯世 又曰袁紹有姿貌威容愛士養名既累世台司賓客所歸傾心折節莫不爭赴其庭士無貴賤與之抗禮輜輶柴轂填

接街陌 **唐書**曰貞觀四年詔發卒治洛陽宮乾陽殿張元素上書曰臣嘗見隋家造殿伐木於豫章二千人挽一材以鐵為轂行不數里轂輒壞別數百人齎轂自隋

轂三

**赤轂**後漢書云小使 **華轂**劉向傳云王氏乘朱轂鳴 **何務**死對曰 **昔**因於 **圖**車轂鳴 **車**右請死 **之**為 **乘**而 **見**鳴 **右**遂 **刎**頸 **而**死 **越**軍 **聞**之 **遂**退 **轂** **擊** **塗** **戰** **國** **策** **云** **臨** **淄** **之** **轂** **輻** **一**

車部

淵鑑類函卷三百八十七

轂 輻

四







軫

**原**文軫

古詩云文軫通桂海

伐軫

毛詩云小戎伐軫也收軫也大車之軫為

伐故曰

齊軫

文選云方軫方象地也周禮云軫之方

龍旂齊軫

續漢書云龍旂九旂七仞齊軫以象大火

軾

**增**說文曰軾車前人所凭處

周禮曰參分其隧一在前二在後以揉其式以其廣之半為之式崇

徐野

民與服志曰軾車前隱膝也

軾二

**原**伏鹿軾

續漢書云皇太子諸侯王倚虎較伏鹿軾

伏熊軾

又云三公列侯安車朱

輪倚鹿較伏熊軾又漢制刺史車伏熊於軾上

省見軾

穀梁傳云長伏弟况三人似名中國瓦石

不能害叔孫得臣最善射者也射其目橫九畝斷其首而載之着見於軾

涕沾軾

楚賦云倚結於

兮長太息涕淚漫兮下沾軾

憑軾下齊

漢書云鄼生憑軾下齊七十餘城

憑軾

徂秦

潘岳西征賦序云潘司憑軾西征自京徂秦

轄一

**釋**名曰轄害也

車之禁害也

說文曰轄鍵也

詩曰載脂載牽

同轄

**原**左傳曰巾車脂轄

淮南子曰

夫車之所以能轉千里者以其要在三寸之轄

轄二

**原**韓子曰西門豹為鄴令佯亡其車轄令吏求之不能

車部

轄

旦



得使人求之而得之家人屋間  
**續齊諧記**曰漢宣帝嘗以阜蓋車一乘賜霍光悉以金鉸飾之每夜車轄上有金鳳凰飛去莫知所之至曉乃還如此非一守車人亦嘗見之後南郡黃君仲於北山羅鳥得一小鳳子入手即化成紫金毛羽冠翅宛然具足可長尺餘後數日君仲詣闕上鳳凰子云今月十二夜北山羅鳥得之帝以置承露盤上倏飛去直入光家止車轄上帝甚異之取其車每游行輒乘之至帝崩鳳凰飛去不知所在  
**漢書**曰陳遵嗜酒每大飲賓客滿堂輒閉門取客車轄投井內雖有急終不得去

幃一

**增**說文曰幃車幔也

幃二

**原**四望通幃

魏武與楊彪書詳車

施嚴帷幃

風土記云周禮以拂拭車一義謂施

**補**車幃

王隱晉書云梁孝王形宣帝之子嘗

夢乘通幃

嘗

**賦**詳輪

歸雲乘幃

潘尼詩云朝日曠長塗夕莫

微風生

**入**帷

賦詳輪

歸雲乘幃

無所集歸雲乘幃浮淒風尋

蓋一

**原**周禮曰王后輦車有羽蓋 又曰蓋之員也以象天

車部

尚書卷三十八

幃蓋

四



也 又曰蓋弓二十有八以象星也 **增**又曰輪人為

蓋達常圍三寸 又曰蓋已崇則難為門也蓋已卑是

蔽目也是故蓋崇十尺良蓋弗冒弗紘殷畝而馳不墜

謂之國工 **原**大戴禮曰古之為路車也蓋圓以象天

二十八標以象列星 **增**風俗通曰黃帝戰蚩尤於涿

鹿常有五色雲氣金枝玉葉止於帝車因作華蓋 又

曰武王伐紂大風折蓋遂為曲蓋 **原**楚辭曰孔蓋兮

翠旗 注云司命以孔雀之翅為車蓋 翡翠之羽為旌旗言殊飾也

蓋二

**增**家語曰孔子之郊遭程子於途傾蓋而語終日 **原**

續漢書曰三公列侯皆安車朱斑輪卓繒蓋 又曰皇

太子皆安車朱斑輪青蓋金華皇子為王錫以乘之故

曰王青蓋車 又曰賈人不得乘車馬除吏赤蓋杠其

餘皆青蓋 又曰小使車白蓋赤帷 又曰中二千石

二千石皆卓蓋朱兩轎 **增**後魏書曰裴佗為中軍將

軍清白任真暑不張蓋寒不衣裘

蓋三

**原**黃屋 蔡邕獨斷云黃屋左纛 黃屋者蓋以黃為裏也 青屋 張衡東京賦云

並轂軒弩重 翠蓋 宋玉高唐賦云蜩為旌翠為蓋風

旂朱旌青屋 起兩止千里而逝又潘尼懷退賦

芙蓉車兮燕帶 羽蓋 前 荷蓋 楚詞云乘小車兮

車部 荷蓋 駕兩龍兮驂

荷蓋 楚詞云乘小車兮

荷蓋 駕兩龍兮驂

荷蓋 駕兩龍兮驂

荷蓋 駕兩龍兮驂

荷蓋 駕兩龍兮驂



螭 芝蓋 張衡西京賦云舍利殿化 鳳蓋 相說新

謂揚雄曰若之為黃門郎居殿中數見輦與玉 也 席者 鶴蓋 劉孝標絕交論云雞人始唱鶴

羽蓋 張衡東京 紫羽蓋 清虛真人裴君內傳云

素真入乘青龍解 青縑蓋 蔡邕獨斷云金根車一

金鏤正黃兩臂前後刻金以作龍虎鳥 阜縑蓋

金華青蓋 傳詳車 金華瑤蓋 晉公卿禮秩云諸侯王

軻車金 華瑤蓋

輦 輦

增說文曰輦車轄間橫木也 薛綜曰飛輦以緹油廣

八寸長注地畫左青龍右白虎繫軸頭 禮記曰君車

已駕僕展輦效駕 原 又曰君羔幣虎植 注幣覆 又

曰大夫齊車鹿幣豹植朝車士齊車鹿幣豹植

茵一

原 釋名曰文茵車中所坐也用虎皮為之 說文曰茵

車重席也 毛詩曰文茵暢轂

茵二

原 蒲茵 桓譚新論云雖不見駕路車亦 繡茵 漢書霍

車 汚茵 漢書云丙吉為丞相取吏嗜酒數通蕩嘗從

吉曰以醉餽之失去士使此人復何 接茵 北堂書鈔

所容西曹第忍之不過汚丞相茵爾 茵

南郡

附錄頁...

...



潘岳同輿接  
茵人謂連辟

淵鑑類函卷三百八十七

淵鑑類函卷三百八十八

食物部一 食總載  
飯餐

食總載一

**原** 易曰君子以飲食宴樂 又曰君子以慎言語節飲

食 尚書曰食哉惟時 注食哉者所重民食也 又洪範曰三八

政一曰食 大傳曰八政何先食食者萬物之始人之所本者也 又曰惟辟玉

食 按辟君也言惟君若為美食也 毛詩曰爾酒既湑爾肴伊脯公尸

燕飲福祿來下 又曰中心好之曷飲食之 又曰雖

無嘉肴式食庶幾 周禮曰王齊則玉府供玉食 鄭注云玉

陽精之純者食 又曰食醫掌和王之六食六飲六膳

之以禦水氣

淵鑑類函卷三百八十八

食總載



百羞百醬八珍之齊凡和春多酸夏多苦秋多辛冬多  
鹹調以滑甘注云多其時味以養氣也凡會膳食之宜牛宜稌羊宜  
黍豕宜稷犬宜粱雁宜麥魚宜苽凡君子之食恒放焉  
注云言氣味相成也又膳夫掌王之飲食膳羞王日一舉鼎十  
有二物皆有俎以樂侑食按鄭注曰謂王日一舉以朝  
牢鼎九節鼎三物謂又曰王齊日三舉注曰殺牲  
牢鼎之實亦九俎又曰庖人掌共六獸六禽注曰六獸麋鹿熊麕野豕  
禮記曰古者未有火化食草木之實鳥獸之肉後聖有  
作修火之利以炮以燔以為醑醴 又曰凡進食之禮  
左肴右胾食居人之左羹居人之右膾炙處外醯醬處

內葱涼處末酒漿處右以脯脩置者左胸右末 **增**又  
曰春宜羔豚膳膏薺 牛夏宜腍臠膳膏臊 犬秋宜犢麋  
膳膏腥 雞冬宜鮮羽膳膏膾 羊 又曰食禮主人親饋  
則客祭主人不親饋則客不祭故君子苟無禮雖美不  
食焉 **原**墨子曰人不衣短褐不食糟糠飲食不美面  
目顏色不足視衣服不美身體從容不足觀也是以食  
必梁肉衣必文繡 **增**慎子曰小人食于力君子食于  
道 又曰飲過度者生水食過度者生貪 公孫尼子  
曰食甘者益于肉而骨不利也 又曰太古之人飲露  
食草木實 莊子曰巧者勞而智者憂無能者無所求

食物部 增補類編卷三十八 食總載



飽食者遨遊泛若不繫之舟 韓子曰嬰兒共戲以塵  
為飯以塗為黍以木為齋暮春必資餉食者塵不可食  
也 又曰凡人上不屬天下不著地以腸胃為根本不  
食則不能活是以不免于欲利之心欲利之心不除其  
身之憂也故聖人衣可犯寒食足以充虛則不憂矣  
又曰饑歲之春從弟不讓穰歲九秋疎客必食非疎骨  
肉少多之心異也 孫子曰鑠金為洪爐盜隸不探鳩  
肉在俎餓徒不食 **原**淮南子曰食者民之本也 **增**  
又曰煎熬烹炙調齊和之適以窮荆吳甘酸之變 **原**  
揚子法言曰食如蟻衣如華朱輪駟馬金珠煌煌無已

黍乎 注曰蟻言精細也 白虎通曰王者所以四食者何明有  
四方之物食四時之功也四方不平四時不順有撒膳  
之法焉 又曰王者食所以有樂何樂食天下之太平  
富積之饒也 又曰食力無數庶人職在耕桑戮力勞  
役飢即食飽即作故無數按禮器云天子一諸侯再大  
夫士三食力無數 桓譚新論曰太原郡民以隆冬不  
火食五日雖有疾病緩急不敢觸犯 又曰太原咸奉  
介君之靈至三月清明斷火寒食 **增**魏文帝詔曰三  
世長者知飲食言被服飲食難曉非長者不別也

食總載二

食物部 食總載



**原**禮含文嘉曰燧人氏鑽火始炮生為熟人無腹疾  
鬻子曰禹嘗據一饋而七十起日中而不暇飽食 **增**  
禮記曰文王之為世子食上必在視寒煖之節食下問  
所膳命膳宰曰未有原應曰諾然後退 韓子曰管子  
束縛自魯之齊路飢而泣過綺邑乞食封人跪餐之因  
竊謂仲曰若用齊將何報我曰如子之言我且賢之用  
能之使勞之綸我何以報子封人怨之 左傳曰初宣  
子田于首山舍于翳桑見靈輒餓問其病曰不食三日  
矣食之舍其半問之曰宦三年矣未知母之存否今近  
焉請以遺之使盡之而為之簞食與肉寘諸橐以與之

又曰子服聲伯使叔孫豹請逆于晉師為食于鄭郊  
師逆以至聲伯四日不食以待之食使者而後食 **原**  
又曰衛獻公戒孫文子甯惠子食皆服而朝日盱不召  
而射于囿二子從之不釋皮冠而與之言二子怒文子  
如戚 **增**晏子曰晏子相齊三年政平民脫中食而肉  
不足景公封晏子以都晏子辭不受 說苑曰晏子所  
同衣食者百人而天下之士至 **原**左傳曰公膳日雙  
雞饗人更之以鶩御者知之而以洎饋子雅子尾怒  
**增**又曰晉悼夫人食輿人之城祀者絳縣人或年長矣  
無子而往與于食 **原**又曰秦醫和對晉侯曰天有六



氣降生五味 公羊傳曰魯昭公走之齊齊侯使高子執簞食與四脰脯國子執壺漿曰寡君聞君在外餒饗未就敢致糗于從者昭公再拜稽首以衽受 家語曰孔子厄于陳蔡從者七日不食子貢以所齎貨竊犯圍而出告糴于野人得米一石焉 **釋**韓子曰季孫相魯子路為郈令魯以五月起衆為長溝當此時子路以其私秩粟為漿飲要溝者于五衢而餐之孔子聞之使子貢往覆其飲擊毀其器曰魯君有民子奚為乃餐之夫禮天子愛天下諸侯愛境內大夫愛官職士愛其家過其所愛曰侵今魯君有民而子愛之是子侵也不亦誣

乎 左傳曰衛侯為虎幄于籍圃成求令名者而與之始食焉太子使請良夫良夫乘衷甸兩牡紫衣狐裘至袒裘不釋劍而食 **原**說苑曰子思居于衛緼袍無裏三旬九食 史記韓信常數從其下鄉南昌亭長寄食數月亭長妻患之乃晨炊蓐食信食時往不為具食信亦知其怒意竟絕去乃釣城下諸母漂有一母見信飢為設食信謂漂母曰吾必有以重報母母怒曰丈夫不能自食吾哀王孫而進食豈望報乎 又曰景帝召條侯周亞夫賜食獨置大噐無切肉又不置箸條侯心不平 漢書曰萬石君時賜食于家必稽首俯伏而食如



在上前子孫有過對案不食 又朱買臣傳曰初買臣  
免待詔常從會稽守邸者寄居飯食後拜爲太守 又  
曰成帝元延四年中山王入朝每賜食必飽而出 東  
觀漢記曰汝郁年五歲母疾不能飲食郁亦不肯食母  
憐之強爲之餐飯欺言愈郁視母色未平輒不食 又  
曰梁鴻少孤以童幼詣太學受業治禮詩春秋常獨坐  
不與人同食 謝承後漢書曰茅容避雨樹下危坐愈  
恭郭林宗見而奇之因請宿寓旦日容殺雞爲饌林宗  
謂爲已設旣而供其母自以草蔬與客同飯林宗起拜  
之曰卿賢乎哉因勸令學卒以成德 魏志曰文帝

爲太后弟康起第成太后至第請諸家外親厨無異膳  
太后左右菜食粟飯無魚肉其儉約如此 又曰扈累  
者嘉平中年八九十歲若六七十歲者縣官以其老日  
給廩五升五升不足食頗有傭作以禪之糧盡復出人  
與不取食不求美 又曰沐德信河間人也始爲吏有  
志介嘗過姊爲殺雞炊黍而不留也後吳使諸葛瑾攻  
樊城遣船兵于峴山東砍材牂牁兵人作食有先熟者  
呼後熟者來食後熟者荅言不也呼者曰汝欲作沐德  
信邪其名流布播于異域如此 原王隱晉書曰何曾  
日食近萬錢猶曰無下箸處也 又曰皇甫謐姑子梁



柳為城陽太守或勸謚送謚曰柳為布衣過吾送迎不出門食不過鹽菜貧不以酒肉為禮也今作郡而送豈古人之道哉 **增**晉書曰吳郡陸納 字祖 謝太傅安嘗造祖言祖言都無供辦兄子俶密為具餐太傅既至祖言所設惟茶果而已俄而俶遂陳盛饌珍羞畢陳謝去祖言大怒責數俶曰汝不能光益叔父乃復穢我素業邪杖之四十 又曰郗鑒字導徽永嘉亂在鄉里窮餒鄉人以鑒名傳餉之時兄子邁外孫周翼並小常攜之就食鄉人曰恐不能兼有所存鑒乃獨往食訖飯著兩頰邊含還與二兒後並得存同過江邁位至護軍翼為

剡令鑒薨追撫育之恩解職而歸心喪三年 又曰庾袞父亡作管賣以養母母見其勤曰我無所食對曰母食不甘袞將何居母感而安之 **原**沈約宋書宗慤傳曰鄉人庾業家甚豪富每待賓客膳必方丈 **增**又曰謝景仁為桓靈寶將軍時武帝為桓參軍嘗詣景仁諮事景仁與語悅因留帝食未辦而景仁為靈寶所召俄頃間騎詔續至帝屢求去景仁不許曰主上見待要應有方我欲與客食豈不得待帝甚感之 又曰謝景仁愛弟翹而惡弟述嘗設饌請宋武帝希帝命翹預坐而帝召述述知景仁夙意又慮帝命之請急不從帝馳遣



呼述須至乃歡 又曰劉穆之妻江氏少時家貧穆之好往妻兄弟家乞食嘗食畢求檳榔江氏兄弟曰檳榔消食君乃常飢何用需此其妻截髮市肴饌爲其兄弟餉自此不對穆之梳沐後穆之貴達而更豪奢食必方丈 又曰江夏王義恭幼爲武帝所鍾愛帝性儉諸子飲食不過五盞盤義恭須求果食日中無筭得未嘗噉悉以與人 又曰文帝宴于武帳堂上敕諸子且勿食至會所賜饌日盱食不至有飢色上戒之曰汝曹少長豐佚不見百姓艱難今使爾識有飢之苦 又曰文帝以謝弘微能膳羞每就求食弘微與親舊經營乃進之

後親人問上所御弘微不荅別以餘語酬之時人比之漢世孔光 又曰謝弘微兄曜卒弘微哀戚過禮服雖除猶不噉魚肉沙門惠琳嘗與之食見其猶蔬菜謂曰檀越若以無益傷生豈所望于得理弘微曰在心之哀實未能已遂廢食歛歛不自勝 又曰阮佃夫奢侈中書舍人劉沐嘗詣之遇佃夫出行中途相逢要沐同返就席便命施設一時珍肴莫不畢備 又曰郭元平至行養親必以已力傭賃以給供養性甚巧每爲人作供取數夫價主人設食元平以家貧父母不辨有聲味惟餐鹽豉而已若家或無食則虛中竟日義不獨飽 齊



書曰武帝收沙門寶誌在獄中語獄吏曰門外有兩輿  
食金鉢盛飯汝可取之果是文惠太子及竟陵王子良  
所供養 又曰王儉嘗詣武陵王華華留儉設食盤中  
菘菜鮑魚而已儉重其率真為飽食盡歡而去 又曰  
周顒隱居鍾山衛將軍王儉謂顒曰卿山中何所食顒  
曰赤米白鹽綠菘紫蓼 又曰張緒口不言利有財輒  
散之清談端坐或竟日無食門生見緒飢為之辦食然  
未嘗求也 又曰孔休源寓于宗人少府孔登宅曾以  
祠事入廟侍中范雲一與相遇深加褒賞曰不期忽覩  
清風頓祛鄙吝觀天披霧驗之今日後雲命駕到少府

登便拂筵整席謂當詣已備水陸之品雲駐筯命休源  
及至取其膳止有赤倉米飯蒸鮑魚雲食休源食不嘗  
主人之饌高談盡日同載還家登深以為愧 崔鴻後  
趙錄曰石虎召姚弋仲弋仲輕騎至鄴引入領軍省賜  
以御食仲怒曰國家有賊召我擊之而乃食我來覓  
食邪 後魏書曰裴安祖年八九歲就師講詩至鹿鳴  
篇語諸兄云鹿得食而呼而况人也自此未曾獨食  
北齊書曰崔瞻在御史臺恒于宅中送食備盡珍羞別  
室獨餐處之自若有一河東人士姓裴亦為御史伺瞻  
便往造焉瞻不與交言又不命七筯裴坐觀瞻食罷而



退明日自攜七筋恣情飲噉乃謂裴云我初不喚君食亦不共君語君遂不拘小節昔劉毅在京口冒請鶩炙豈亦異于是乎君定名士于是每與同食 後周書曰柳虬脫畧人間不拘小節弊衣蔬食未嘗改操人或譏之虬曰衣不過適體食不過充飢孜孜營求徒勞思慮耳 唐書曰高祖師次于古推去絳郡二十餘里有紫雲如華蓋樓閣之形正臨高祖之上時隋絳郡通守陳叔達堅守不下高祖謂厨人曰吾明日下城然後朝食辛卯引兵攻城自旦及辰而破高祖乃食 又曰高祖朝諸宰臣于政事堂供饌珍美議減其料東臺侍郎

張文瓘曰此食天子所以重機務待賢才也吾輩若不任其職當自陳乞以避賢路不可減削公膳以邀名譽 明皇雜錄曰天寶中諸公主相効進食上命中官袁思藝為檢校進食使水陸珍羞數千盤之費蓋中人十家之產中書舍人竇華常因退朝遇公主進食方列于通衢乃傳呵按轡行于其間宮苑小兒數百人奮挺而前華僅以身免 又曰順宗時宰臣鄭珣瑜韋執誼方與諸宰相會食故事丞相方食百寮無敢見者王叔文是日至中書欲與執誼計事令直省通執誼直省以故事告叔文怒叱直省直省入白執誼執誼後巡慙赧竟



起迎叔文就其閣語良久宰相杜祐高郢珣瑜皆停筯以待報者云叔文索飯韋相公已與之同食閣中矣佑郢等心知其不可畏懼叔文莫敢出言珣瑜獨歎曰吾豈可復處此乎顧左右取馬徑歸遂不起 又曰楊炎與門下侍郎盧杞同執大政杞形神詭陋宿為所襲而炎氣岸上峻罕防細故方病食膳無節或為麋餐別食閣中讒者乘之謂杞曰楊公鄙不與同食杞銜之 又曰常袞為相將讓堂厨同列以為不可而止

食總載二

**原**和精 強體 呂氏春秋云食能以時身必無疾凡食之道無飢無飽是之謂五臟之葆口必

甘味和精端容將之以神氣百節虞歡咸進受氣墨子云古之民未知為飲食故聖人作誨男耕稼樹藝以充民強體適腹而已矣 忘憂 解怒 子左傳云魏獻宗為梗陽大夫梗陽人將受之魏戊謂閻沒女寬曰吾子必諫皆許諾退朝待于庭饋入召之置食之間三數既食獻子曰吾聞諸諺曰惟食忘憂吾子置食之始至恐其不足辭而對曰或賜二小人豈將軍食之而有不足是也及饋之畢願以小人義渠之為人烹龜鱉不熟臊穢腥臭辭梗陽人雖飢三日不啜口至死弗食也吳章莊吉受而和之病人食之為之輕體萬乘飲之為之解怒何也吳章莊吉也 玉饌 珍肴 左思吳都賦曰競其區宇則玉饌 珍肴 並疆兼巷矜其宴居則珠服 玉饌 辛延壽羽林郎歌云不意金盤鯉魚 餽口 果 腹左傳子癡腹果然 五鼎 九釘 後以五鼎 盧

食物部 食總載 上



氏雜說唐御進食用九釘食以牙盤九

枚衰食味于其間置止前亦謂之香食

始文選食為民天四簋三杯四簋今於我乎每食

飽注曰四簋謂黍稷稻粱三杯

朱博儉每食案上不過三杯

頤而食言曰聖人量也

其廣仁且忠也

有鼎折足覆公餗

易折足覆公餗

遺記曰燕昭王即位三年廣延國來獻善舞者二人

名旋娟一名提娵並玉質凝膚體輕氣馥綽約而窈窕

絕古或行無蹤影或積年不飢昭王處以粟

單綺華幄欲以孺珉之膏飴以丹泉之粟

兼三味曰青異錄云孫承祐在浙右會食指盤進謂客

西之棗栗無不畢備可謂富矣

士安善品味過衛倫家倫命僕取糧糗以食士安嘗之

笑而不言退謂人曰士安之識遠過劉子陽吾麥杏時

以李柰汁故兼三味

飲筋骨舒美香甘錯雜人入其厨鮑魚而肆語曰入欲不

特精食事第中庖所榜曰鍊珍草在塗曰行珍館家相

老婢自編其法指授女僕凡四十年開百婢嗣法正九婢

文昌自編其法指授女僕凡四十年開百婢嗣法正九婢

時稱鄉平公食憲章為客善釐小觀父怒曰將使驚長

而食之遂出史孟嘗君待客夜飲或蔽火光客怒以

飯比之輟食辭去孟嘗君起自將其

求餘左傳子公之食指動以不示子家曰他日我如此必

晉庾悅嘗異味及宰人將解鼈乃染指于鼎嘗之而出

奪悅豫章解其軍府使人微示其旨悅忿懼而死

惟接氣味以平心君子食之以平其心

食存人

食物部

鼎鑪類

食總載

三







口爽五味令人爽有閣禮大夫七十而無魚馮驩歸來

兮無魚不辭孔子食于季氏不辭也屬厭昭儉

傳曰菜食不取惡士志于道而取惡衣素餐詩

先嘗君賜食必正席先嘗之敬君之惠也大嚼而過屠門六禽四膳

窮海極陸奉膳奉膳也賜食客之則命之祭然後

祭不滬無度飲食無度踰牲踰牲獻

熟禮禮獻熟食飲賜將賞為之加膳下無不飲足

巧食燕食退食自公貶食傳稍事

非日中大事之時而聞食謂之稍事名食有蕭家餽餽

可以滌茗使家粽子白瑩如玉韓約能作櫻桃餅  
其色不變又能造冷胡突鱸魚臆連蒸麩皮素餅  
家食易不家鼎養易大烹以積食社餽餅云真宗

代鷄口漢文帝鍾愛太子景帝命人不澤手

不徒食又庶人者老不毋流歎禮毋咤食禮

飲如犢飲風俗通云俗說飲如犢人多食若壑曹植與吳

常斯之時願舉太山以為肉傾東海以為酒食若填

爽口食應吉甫論云為藥驥馬啖風俗通曰俗說驥

關主意未盡欲復飲酒餘無他便出脯膳椒薑鹽豉

不素飽易口不每無餘詩曰今也侍于君侍食于

飯先乞于野野人與之塊不徧味墨子曰每食方

食物部 鼎鑪 食總載 古



目不能  
不  
二  
味  
闕  
食  
食  
以  
時  
禮  
飲  
食  
食  
其  
時

百骸  
加  
籩  
豆  
鄭  
伯  
享  
楚  
餘  
梁  
肉  
稷  
與  
牛  
季  
夏  
中

稻  
與  
魚  
黍  
與  
雁  
孟  
冬  
聖  
人  
所  
寶  
食  
者  
聖  
人  
之  
夫

所  
寶  
人  
之  
所  
美  
淮  
南  
子  
云  
怪  
以  
親  
宗  
族  
食  
之  
禮  
以  
飲

宗  
弟  
以  
強  
股  
肱  
墨  
子  
云  
聖  
王  
制  
飲  
食  
足  
以  
充  
虛  
增  
氣

調  
芬  
香  
以  
頤  
精  
神  
揚  
雄  
蜀  
都  
賦  
曰  
甘  
願  
之  
和  
芍  
藥  
之

獨  
草  
孤  
鷄  
五  
肉  
七  
菜  
百  
味  
東  
鮑  
鮑  
籠  
西  
牛  
羊  
類  
米  
肥  
猪

六  
珍  
可  
以  
頤  
精  
神  
養  
血  
脈  
以  
通  
血  
氣  
古  
公  
孫  
尼  
子  
云  
太

木  
實  
聖  
人  
為  
火  
食  
號  
和  
神  
安  
體  
潘  
尼  
鈞  
賦  
云  
五  
味  
既

難  
易  
思  
調  
神  
暢  
情  
徐  
愛  
食  
箴  
曰  
一  
日  
三  
飽  
聖  
賢  
通  
執

情  
神  
暢  
充  
飢  
協  
氣  
陸  
機  
七  
徵  
云  
旨  
甘  
調  
以  
飲  
血  
茹  
毛

禮  
記  
云  
昔  
者  
先  
王  
未  
有  
火  
化  
食  
草  
以  
充  
庖  
厨  
取  
犧  
牲

木  
之  
實  
鳥  
獸  
之  
肉  
飲  
其  
血  
茹  
其  
毛  
以  
充  
庖  
厨  
取  
犧  
牲

以  
熟  
葷  
臊  
滕  
子  
云  
黃  
帝  
鑿  
燧  
以  
熟  
葷  
燔  
黍  
脾  
豚

相  
饗  
賓  
客  
婚  
姻  
和  
曰  
羹  
曰  
飯  
也  
減  
腥  
去  
臊  
曰  
湯  
得  
伊

始  
火  
之  
為  
紀  
時  
疾  
時  
徐  
減  
腥  
去  
臊  
曰  
湯  
得  
伊

珍  
用  
八  
物  
漬  
熬  
糝  
肝  
膾  
珍  
者  
淳  
熬  
淳  
必  
以  
其  
勝  
無  
失

麋  
鹿  
豕  
狗  
皆  
所  
以  
養  
老  
也  
後  
世  
則  
侈  
云  
龍  
肝  
鳳  
髓

野  
胎  
鯉  
尾  
鷄  
炙  
狸  
唇  
熊  
掌  
酥  
酪  
蟬  
雲  
漿  
元  
玉  
漿  
按  
母  
音  
模

子  
音  
聊  
祥  
音  
減  
又  
按  
酥  
酪  
蟬  
雲  
漿  
元  
玉  
漿  
按  
母  
音  
模

膳  
用  
六  
牲  
牛  
羊  
豕  
犬  
雞  
也  
膳  
夫  
掌  
食  
周  
禮  
膳

之  
食  
飲  
饍  
羞  
以  
宰  
人  
上  
食  
莊  
子  
云  
趙  
文  
王  
好  
劍  
莊  
子

注  
云  
不  
能  
坐  
視  
也  
大  
官  
供  
食  
郎  
直  
入  
臺  
大  
官  
供  
食

食  
物  
部  
大  
官  
供  
食  
郎  
直  
入  
臺  
大  
官  
供  
食

食  
物  
部  
大  
官  
供  
食  
郎  
直  
入  
臺  
大  
官  
供  
食

食  
物  
部  
大  
官  
供  
食  
郎  
直  
入  
臺  
大  
官  
供  
食

食  
物  
部  
大  
官  
供  
食  
郎  
直  
入  
臺  
大  
官  
供  
食

食  
物  
部  
大  
官  
供  
食  
郎  
直  
入  
臺  
大  
官  
供  
食

食  
物  
部  
大  
官  
供  
食  
郎  
直  
入  
臺  
大  
官  
供  
食

食  
物  
部  
大  
官  
供  
食  
郎  
直  
入  
臺  
大  
官  
供  
食



五日一美食 凌人共冰 周禮凌人祭祀共冰鑑賓客

下天子一美食 則水不消釋食得停久 禮記注伏乳 食無強厚 呂氏

生也注孕 雛驚不食 不利人也 曹昆杜蘭香傳云蘭香

必小咽端直無厚 不宜露食 戒張碩曰不宜露頭食

每食擊鐘 師每食擊鐘 飲食擊鼓 氏有春秋云有

為九成之臺 自求口實 觀其自求口實 以就口食

飲食必以鼓 需于酒食 酒食貞吉 困于酒食 又

困于酒食朱紱 三弋五卯 粟之食爨三弋五卯皆菜

而巳公間之往燕馬睹晏子之 多鹽少豉 東哲近

獨食何甘 美味獨食有何甘 美食思親 有儉者煮

顧中之食食而美以遺孔子孔子受之如受犬馬之遺  
弟之曰先生何為受之喜如此曰非以者願瓦之薄也  
念吾親也 併食一器 燕書云此器久之蛆臭然後乃食  
設饌十起 江表傳曰南陽樊由為武昌郡從事誘導  
千兵往成擒權曰夷反屬劉備孫權曰仙昔為州人設饌  
比至日中食不可得而十餘自起此亦朱儒觀一節之  
兵往果平武兵五千 客舍飲食 陽道問于客舍帝還洛  
官人果有持升餘杭 官屬遮食 東觀漢記云光武至鏡  
自稱邯鄲使至者入傳舍傳吏方進食從者飢遮奪之傳  
者疑其為邯鄲使至者入傳舍傳吏方進食從者飢遮奪之傳  
色光武邯鄲使至者入傳舍傳吏方進食從者飢遮奪之傳  
坐曰請邯鄲將軍入久乃駕去 六畜五牲 左傳子太  
羊雞犬豕五畜五牲三犧以奉五牲 六畜五牲 叔對趙簡  
六穀八珍 五味食饌之常未足為貴 五穀六仞 詞

食物部 月益貢系卷三十一

食總載



味五穀六仞設菘梁只鼎騰盈望和致芳只內鷓鴣  
七尺曰叻菘三禾九變傳元七注五穀稻稷麥豆麻也  
梁蔣實也

五黃千品 七護云五黃千品桂 珍怪之食 穀梁

好食珍怪之食也 珍奇食物 東觀漢記曰岑彭引兵

咽喉喻告諸蠻夷諸蠻夷相率遣使貢 鄉當江南荆揚

獻于是江南之珍奇食物始流通焉 六珍之饌 功

百官表注云少府屬官有大官 百品之物 周禮云內

后世子之饌羞辨百品之物鄭注 大宛之犧 徐幹上

曰百品味庶羞之屬言百舉成數 洞庭之鮒 崔駰七依云洞庭之

鮒水鵠熊躡豹胎 壽木之華 以 鴻淵巨鯉 傅巽七鴻淵巨鯉 丹穴之雛 張協七命云

飛凰 遺卵納丹穴之飛凰 丹穴之雛 元

也魚 雲鶴水鵠 晨鳧宿鷓 靈淵之龜 菜黃之駘 鷓鴣  
也 丹山鳳九 呂氏春秋曰肉之美者程程之晨鳧宿鷓  
字也 左古卯 粵澤龍胎 霜熊之掌 王案 龍脇之  
肪 孔煒上引龍脇之助鳳計之筋齋齋鹿腸也 鷓鴣  
猩唇 張助上命云封熊之蹄翰音 豹胎龜腸 曹植樂  
映熊掌肥秦龍腸元 飛鷓伏鷓 傳異 物牛之腴  
熊素膚肥秦龍腸元 肥狗之和 菘蒲肥狗之和 山梁之餐 又云蘭英之酒酌以  
楚苗之食 安胡之飯 山梁之餐 又云薄者之蘇 白露之茹 又云蘇 白露之茹

食物部 秋黃之蘇 白露之茹 蘇 白露之茹 蘇 白露之茹



熊蹯之臠 又云于是使伊尹煎熬易牙調和熊蹯之臠 鯉鮓之膾 桓

木酪昌菹 雞寒狗執 登酒蘇漿 蘇駟七依云木酪昌菹

魚鱉膾鯉 詩毛 臠鱉膾腥 鹽鐵論曰今民

蒸豚魚鱉 表子云蒸豚魚鱉

寒鵠鵠雁 粒又云遼東鵠雁 炙鵠蒸鳧 楚詞云炙鵠蒸鳧

醢豚苦狗 又云醢豚苦狗 遺芳射越 曹植七

馨香播越 華杜 遺芳射越 曹植七

味既殊遺芳射越 華杜

論云適逢長史鮑綏于車蒸羔魚

越氣干 廬山酒饌 廬山之志怪云建康小吏曹芳見

新安羹飯 與鄉人諸生到長安

四神守護 海中

二鳥取食 三青鳥居之是山也

不過一器 尉柳公綽

不具五味 德元

適口者珍 宋太宗問蘇易簡食品

皇命射 盧氏雜記云唐明皇命射

將軍出食 明

食總載

痛飲夜忽燥中庭月明殘雪

根自謂仙厨鸞脯鳳胎

皇命射 盧氏雜記云唐明皇命射

西陽雜俎云貞元中有一將軍

堪契惟在火候善均五味嘗取



其味佳 食料前定 前定錄韓晉公在中書嘗召一吏不得  
 幸至乞寬其罪晉公曰宰相之吏更屬何人吏曰某不  
 吏曰某主二品以上食料晉公曰若然其明日當以何  
 食之曰此非細事不可顯之請疏于紙過後為驗乃怒  
 之而繫其吏明曰遠有詔命既對適遇大官遲而腹脹  
 歸私第召醫者視之曰疾愈思前物所擁宜少服橘皮湯  
 可啖漿水粥明且疾愈思前物所擁宜少服橘皮湯至夜  
 說因復問人問之食皆有籍邪對曰三品以上皆具  
 品以上復問人問之食皆有籍邪對曰三品以上皆具  
 食物算知 西京雜記云曹元理明算術嘗避其友陳  
 蔗二十區應收一千五百之飲酒取鹿脯數斤筭曰諸  
 應收六百七十石牛產二百三十六枚鷄三十七畝  
 鷲鴟皆道其數果菰有藪悉知其所乃曰此資業之廣  
 何供饋之偏邪廣漢慙曰有倉卒客無倉卒主元理曰  
 罪自入取之盡日為歡 又吳志曰趙達嘗過故知家

故知具酒食給曰倉卒乏酒有美酒如何達取盤中雙箸  
 三縱橫之乃言卿東壁下有美酒一斛又有鹿肉三斤  
 何以辭無主人慙曰知卿善射有無特欲相試耳 貍匹製  
 曰錢行三匹製蜜賜十貍而匹製以爲珍膳 麟脂  
 之如黃漆貍形如鼠而大北狄以爲珍膳 麟脂  
 螭鬣 神設素麟脂斑螭鬣 蘇秦之楚三日乃得見  
 為炊金 食玉炊桂 戰國策曰蘇秦之楚三日乃得見  
 于王薪貴如桂謝者難得見帝如鬼王曰聞命矣 冰厨饅  
 如天今臣食玉炊桂者難得見帝如鬼王曰聞命矣 冰厨饅  
 婦山谷饅初以初醒酒浮蛆 是以一笑 州羔灌以杏酥  
 食以七不初以初醒酒浮蛆 是以一笑 州羔灌以杏酥  
 猪炊以七不初以初醒酒浮蛆 是以一笑 州羔灌以杏酥  
 康王谷水烹增坑品茶為解也 不知其旨 雖  
 嘉肴非食 豈得而食 而食之 無禮不食 苟無禮雖  
 不知其旨 豈得而食 而食之 無禮不食 苟無禮雖



美不親饋則拜禮曰主人親  
食焉親饋則拜禮曰主人親  
味任以公子奢侈愷乃奉養初何  
達左達右達天子之閣左達五右  
膳滋味極于王所設每燕乞食吳市  
會並不食大官所設每燕乞食吳市  
市何其薄乎沛漢井丹字大春性高  
就切之既至為設麥飯葱菜之食  
推去之曰何其薄乎更設盛饌乃食  
何勁字敬祖食必四方珍異一日之  
錢二萬為限時論以大方珍異一日  
也肉食者鄙賜果懷核禮曰賜于君  
果捧拜後漢桓榮字春卿詔賜奇果  
夏筭秋菲冬菁蠹薨之物薨乾肉也  
截蹠之屬

厚味薄行管子曰臣聞厚  
諸王修事名畢羅形粗大滋味香  
待客稍厚後魏師書曰元欽曾青州  
性滑稽乃謂欽曰凡人絕粒七日乃  
逃避去食就信實有所關欽乃大惠  
異饌留客不飲周書曰長孫澄雅好  
令中厨別進別品會賓唐書云裴冕  
異饌留客不飲周書曰長孫澄雅好  
我不能食吏部郎廣景之嘗往候樂  
魚羹數種景之曰卿過于謂不能食  
茅季偉我非郭林宗耳周舉使炊食  
家廚進羞不可食乃命周舉使炊食  
原舊俗以介子推燒死至其亡時  
堪歲多死者舉乃作弔書置子推廟  
食物部謂舉領函卷三頁六

史呂后與陸  
攻苦食啖下攻苦食啖  
史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖

史呂后與陸  
攻苦食啖下攻苦食啖



石勒復寒食

趙書云石勒時斷寒食忽

之故因勸使燠食如初石勒復寒食趙書云石勒時斷寒食忽

平令民寒食如故燠令民寒食如故燠麟麟之麇燠麟麟之麇

燠麟麟之麇燠麟麟之麇燠麟麟之麇燠麟麟之麇

貢飛禽之鮮精杜預七規云農父進菰米之羣鮮投犀象之

器又云伊尹鑿以犀象之器大夫無秩膳無秩膳

庶人不食珍禮庶人無珍服腐腸之藥耽爽口之味

極口腹之欲禮不能反躬窮芻豢之味春食羊

夏食菽蔡邕月令論注云但冬獻狼夏獻麋周官注

聚煖糜膏散涼孟夏以蕪食麥子乃以蕪嘗麥薦寢

以蕪嘗之散其熱也仲夏以雞嘗黍天子乃以

雞嘗黍注曰此和用醢獸用梅禮記注云畜與家物

雞嘗黍注曰此和用醢獸用梅禮記注云畜與家物

和用醢獸用梅禮記注云畜與家物狗去腎豚去腦

禮記注云畜與家物狗去腎豚去腦文公食不

重肉尹文子云晉國尚奢文公以儉橋之衣脫粟之飯

叔敖枯魚之膳韓子云孫叔敖相楚廉頗噉肉百觔

發蒙記云廉頗既倪直一飯五升鍾離意別傳云瑕

有力三日一飯數何祗大能飲食益部者舊傳云何

通濟體甚壯大典韋飲噉兼人魏志云典韋飲食兼

長飲之乃相屬數人反役與之禮食弟揚干亂行于

益之乃相屬數人反役與之禮食弟揚干亂行于

曲梁魏絳戮其僕晉侯以魏絳為拜官相飾供饌世

能以刑誅其民矣反役與之禮食拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世

食物部拜官相飾供饌世



云過江初拜官相飾供饌羊曼拜丹陽尹客至蚤者並

得佳設日晏漸罄不復及精隨客早晚不問貴賤羊固

饑時人以固之豐華不如此曼之真率 襄子方食有憂

呂氏春秋曰趙襄子攻翟勝老聞之曰趙氏其昌乎夫憂

所以為昌也而喜所以為亡也 實嬰病痲不食 漢書

勝非其難者也持之其難者當棄市嬰即 景公請進煖

司功實嬰矯先帝詔按罪當棄市嬰即 桓城就兄索

食 煖子曰晏子待于景公朝寒公曰請 桓城就兄索

食 桓城就兄索 桓城就兄索 桓城就兄索

于孕豹 宰潛肝乎豢龍 陸機 寒芳蓮之巢龜 曹植

煎雋陵之縹翠 劉劭 七華 漱六醴食五芝 馬衍賦云漱

食五芝 茂英 食鳳卵飲甘露 博物志曰軒轅之國 滋味

煎其腑臟 香芳腐其骨髓 苟秩膳之是踰 則常

刑而罔舍 賜食乃進斛餘 南燕錄曰濟南尹鸞身長

不據鞍由錄慕容德見而奇其魁偉賜之以食乃斛餘

德驚曰所敬如此非耕能飽且才貌不凡堪為貴人可

以縣試之于是拜逢陵 設食以供行者 後魏書曰崔

長政理修明大收民譽 設食以供行者 後魏書曰崔

下循身勵節自景明以降歲不登乃置逆 少施曰

旅于蕭然山南大路此設食以供行者 而飽少施氏食吾

敢傷吾子 禮記孔子曰吾食少施氏而飽少施氏食吾

之 子夏曰不為公費 韓詩外傳曰子夏過曾子 肉

曰脫之魚曰作之 禮注云皆 民之質矣日用飲食 詩

曰質成也箋云成平也民事 民之失德乾餱以愆 箋

平以禮飲食相宴樂而已 民之失德乾餱以愆 箋

云失德謂見謗訕也民尚以乾餱之食獲譽過于 堯

人况天子之饌可以恨兄弟乎故不當遠之也 堯

食物部 詩經卷三十一 食總載



王天下糲梁之食

韓子云堯之王天下也糲梁之食藜藿之羹雖監門之養不厭于此矣

晏子相齊脫粟之食

晏子曰晏子相齊衣十人

十人一鄉為儉

博食志云肥不能動其父嘗為遠方長

吏送彼往縣令傳食之

食斛餘米家至罄貧齊諾記

安陸縣隆安之初有一姓郭名坦者兄弟三人其大兒

忽得時行病後遂大能食一日食斛餘米其家供給五

年乃至

麗姬與王同食芻豢

子荆軻同案而食

燕丹子云太子嘗與荆軻共案而食同牀而寢

越俗通神

調辛齊地殊芳越俗通神

飯迭舉

潘尼芻豢既陳異饌並羞

藥之調煎

有有多品羞以珍名

炙蒸燻

品羞以珍名脯鮓桂

蠹玉屑瓊晶蠶寒

芳甘百品並仰累重

傅毅七激云

鮑熱異和殊馨

嘉旨雜選豐實左右

徐幹齊都賦曰

膾鯉嘉旨雜選豐實左右

圖案星亂方丈華錯

張協七

尹饗鼎餗了押刀圓案星亂方

味以行氣氣以實志

食浮于人人浮于食

嵩高石室有自然飲食

嵩高山記云山下巖中

海內金臺有百味之食

有一石室有自然飲食

簞食瓢飲不改其樂

海內有金臺出水百味之食

簞食瓢飲不改其樂

論蔬食茹菜兄弟怡怡

東觀漢記曰趙孝字長平建

待之同食雖蔬食茹菜兄弟怡怡

午夜鳴則膺羊冷

毛而毳羶

狗赤股而躁躁鳥鱗色而沙鳴鬱

豕望

食物部

謝靈運山卷三頁廿

食總載

五



視而交睫睨馬黑脊而般臂漏並禮記注云野雁翠

鵠鴉胖舒鳧翠禮記注云舒雁皆為不利人

肝雁腎鵠與鹿胃禮記注云雁皆為不利人

獻不受曰吾祿自可致魚受攸好攸好

人之大嗜芟國語屈到嗜芟有疾召宗老而屬之曰

欲存焉君有牛享大夫有羊饋士有豚犬之奠庶人有

魚炙之薦籩豆脯臨上下共之不羞珍異不陳庶人有

子不以私欲干增嗜雞神錄云合肥人劉最好食雞

盡乃烹之謂之去腥後最痛楚積歲而卒

雞于瘡癩中每中必傷痛楚積歲而卒

人嗜蟹常求補外郡人問

所欲曰但得有螃處則可

羊不與曰鮑魚不登俎不可以非禮食太子

嗜鮑魚賈誼新書曰鮑魚不登俎不可以非禮食太子

好牛心炙王右軍

嗜菖蒲周文

食總裁五

原箴宋徐爰食箴曰民之初生有生有食資生順性甘

是黍稷炎皇俶載后棄茂殖三穀既翳五味亦宜潔爨

豐盛滋芬美腴 又箴曰衣服稱誠飲食日歡擊鐘而

舉無使日肝

原贊宋卞範之食贊曰貴粒唯恢火齊食繁新乎井遷

味以懷甘

原啓梁劉孝威謝東宮賜聖僧餘饌啓曰齊桓柏寢之

食物部

食總裁

野雁翠

雞

公儀休

嗜魚

大欲

男女



器周穆軒宮之寶乳糜香飯素糝粳五杏七桃靈瓜  
仙棗莫不氣馥上天薰流下界石崇芳果金谷僅于萬  
株陳湯木滋杜陵幾于千樹猶自高謝珍奇多慙品族  
又謝東宮賜淨饌啓曰糜獻牛牧飯出龍宮千品甘  
露之食百花珍藥之果餅兼髓乳漿苞蔗榛雕盤流其  
滋旨寶器委其包香足使三世長者羞彼識味一角仙  
人恥其咒術微物多幸叨奉曲恩性命可捐殊私難荅  
陳徐陵謝敕賜祀三皇五帝餘饌啓曰竊以甘泉之  
殿舊禮義農長樂之宮本圖堯舜自東京晚世曠代無  
聞西漢盛儀復覩今日金壺流十旬之氣玉案備千品

之羞昔絳羅爲薦旣延王母紫蓋爲壇允招太乙同斯  
美號理致衆星臣以餘年豫聞清祀如陪瑤席遂飲瓊  
漿

**原移**梁吳均食移曰月光離畢風氣入箕細雨如網細  
柳如絲離隔東西之怨眺望山川之阻企龍門而不見  
覽桂枝而延佇此乃方寸之恒情羌難得而翾縷也亦  
有鮑叔分財華歆讓位乃相知于平生實忘懷于寤寐  
雞有呼羣之德鹿有食草之美在微物其尚然况仁義  
之君子哉今足下居則廣廈高堂連闈洞房綺窓半卷  
屏風角張指天地如一指安知故人之可傷一死一生



乃見交情一貴一賤交情乃見謂古昔之恒談在今日而方見嗚呼如何忘我實多輒欲彈琴縱酒于首陽之阿君有厨中腐肉而僕不厭糟糠君有雁鶩之食而余不得一嘗願以小人之腹為君子之腸何如哉今欲君之餘江皇綠菴之筍洞庭紫鬣之魚昆山龍胎之脯元圃鳳足之菹千里萼羹萬丈名膾氣馨若蘭色美如艾扶南甘蔗一丈三節白日炙便銷清風吹即折安定之梨皮薄味厚一歲三花一枚二升凡厥上味惟君能施君若不施成君深累于神為不祥于人為慙義

飯一

**饋**爾雅曰饋餽也食飯謂之餽 說文饋饗飯也餽

飯氣蒸也饋以羹澆飯也饑飯傷熱也饑傷濕也

春秋運斗樞曰粟五變以陽化生而為苗秀為禾三變

而粲謂之粟四變入白米出甲五變而蒸飯可食 周

禮曰膳夫掌王之食飲 食飯也飲酒漿也 食用六穀 稌黍稷

菰藜 禮記曰毋搏飯毋放飯毋流歎毋揚飯飯黍母

以箸 又曰凡食齊眡春時 飯宜溫齊和調 呂氏春秋曰飯

之美者元山之禾不周之粟陽山之稭南海之秬 潛

夫論曰夫梁飯食肉有好事于面目不若糲梁藜蒸之可

食于口也 關澤九章曰粟飯五十糲飯七十稗飯五

食物部 附錄類函卷三類炊 食總載



十繫飯四十八御飯四十二 風土記曰精折米十取七八取浙使青蒸而飯色乃紫紺于東流水飯食與洗而除不祥 王烈之安成記曰安成郡毛亭往同亭三十里二亭田疇膏腴厥稻馨香飯若凝脂 東方朔神異記曰東方有人名黃父以鬼為飯以霧為漿

飯二

**原**周書曰黃帝始蒸穀為飯 **增**韓子曰堯糲蒸之飯

尹文子曰晉國奢文公儉以矯之因食脫粟之飯

**原**韓子曰孫叔敖為令尹糲飯菜羹 晏子春秋曰晏

子相齊食脫粟飯 **增**列子曰楚王好細腰宮中皆以

三飯為節期年而有黎黑之色 莊子曰宋鈞尹文其

為人太多其自為太少日請置五升之飯足矣 **原**衛

宏漢舊儀曰齊則食文二人旋案陳三十六肉九穀飯

宗躬孝子傳曰吳人陳遺為郡吏母好食鍋底焦飯

遺在役恒帶一囊每煮食取焦者以貽母 **增**魏書曰

卞太后左右食菜粟飯 晉書曰殷仲堪在荊州連年

饑饉仲堪食常五碗盤餘肴饌粒落席間輒拾以啗之

又曰石崇家稻米飯在地經宿皆化為螺 又曰孫

盛嘗詣殷浩談論對食奮擲塵尾毛悉落飯中食冷而

復煖者數四至暮忘冷竟不言由是知名 **原**崔鴻前



秦錄曰苻堅以乞活夏默爲左鎮郎胡人護磨那爲右鎮郎奄人申香爲拂蓋郎默等身長一丈八尺並多力善射三人每食飯一石肉三十斤 **增**宋書曰衡陽王義季都督荊州嘗大蒐于郊有野老帶苦而耕命左右斥之老人擁耒對曰昔楚子盤遊見譏令尹今陽和扇氣播厥之始一日不作人失其時今王馳騁爲樂驅斥老人大非勸農之義義季指馬曰此賢者也命賜之食老人曰吁願大王均其賜也苟不奪人時則一時皆享王賜老人不偏其賜矣斯飯也弗敢嘗問其名不言而退 宋東宮儀記曰掌侍臣常食唱飯二人 宋書曰

王仲德與兄叡同起義兵與慕容垂戰敗仲德被重創走與家屬相失路經大澤困未能去有一小兒青衣年可七八歲騎牛行見仲德驚曰漢已食未仲德言飢小兒去須臾復來得飯與之食 梁書曰謝蘭五歲每父母未飯乳媪欲令先飯蘭終不進舅阮孝緒聞之歎曰此兒在家則曾子之流事君則蘭生之匹因名之曰蘭 南史曰魚弘爲湘東王鎮西司馬述職西上道中乏食緣路采菱作菱米飯給所部弘過之所後人覓一菱不得 又曰傅翽代劉元明爲山陰令問元明曰願以舊政告新令尹荅曰我有奇術卿家譜所不載臨別當



相示既而曰作縣惟日食一升飯而莫飲酒此第一策也 又曰裴元禮為豫州刺史居喪惟食麥飯 後魏書曰盧義偉為都官尚書性清儉不營利雖居顯位每至困乏麥飯蔬菜亦甘之也 唐書曰太宗謂侍臣曰朕自皇太子立也遇物必誨見其將飯告以稼穡艱難不奪農時乃可常有 又曰蔣沈乾元後授咸陽令當軍旅之後瘡痍未平沈竭心撫綏人得安輯嗣元帥郭子儀統兵由其縣誠軍吏曰蔣令幹辦饌億圍有素士眾得蔬飯見饋則已無撓清政 仙經曰嵩岳僧悟空結廬岳西朱陵洞其處險絕僧遊覽累日捫蘿垂踵無

幽不跡忽有道士坐繩牀僧告以飢困道士歛起指石地曰此有米乃持鑊剗石深數寸令僧探之得陳米升餘即著于釜承瀑敲火煮飯勸僧餐一口未熟道士笑曰君餐止此可謂薄我當畢之遂吃硬飯

飯三

**原芳菰** 奇稂 曹植七啓曰芳菰精稗霜蓄露葵陸  
**馨素穎** 精粲 濡潤左傳曰太羹不致菜食不繫杜  
**玉銑** 精粲 預注曰不精粲也 傳與七誨  
**丹具** 東牆濡潤細滑流澤 胡菰子 脫粟 折杭 漢書  
**孫弘** 為丞相封侯食一肉 脫粟之飯 魚秦魏畧曰大  
**祖朝** 王朗不能效君昔在會稽折稅米飯 明曰適宜實  
**難如** 朗昔者未可折而折 饒籃 陪鼎 詩曰有饒  
**明公** 今日可折乃不折 飯 籃 有抹轉

食物部

州監貢

飯

瓦



七毛萇注曰饒蒲簋貌殮熟食至也

傳曰宴有好貨食有陪鼎禮之至也

王粲七釋曰西旅遊梁御宿素餐瓜州紅麴

參糶相半軟滑膏潤入口流散下已見前

雪花杜甫詩曰飯抄雲子白

曰黑飯草以其可染黑飯也道家謂之青精

云服草木之正氣與神通食青燭之精命不復墮

也杜詩曰豈無青精飯使我顏色好

大毛長其穀米皆粗于白梁而收子少

黃玉屑瓊糜西陽雜俎云太和有一人遊嵩山迷

二人且問所自因開襟兩裏皆玉屑飯授與二人指路

食此雖不足長生可一生無疾乃起與二人指路

詞精瓊糜以爲精鑿玉屑以爲飯

別傳曰宗爲光祿勳大會醉吐麥飯察者以聞詔問食

麥飯意宗答曰臣家止有麥米飯是以食之

竹記曰文與可以所畫筭管谷在洋州與可常令予作洋州三

而有萬尺之勢筭管谷在洋州與可常令予作洋州三

十韻筭管谷其一也予詩曰漢川修竹賤如蓬斤斧何

魯敫籜龍料得清貧饒太守渭川千畝在胸中與可是

日與其妻遊谷中燒筍供晚食

發函見予詩失笑噴飯滿案

武康令冠日決戰乃令多營麥飯以荷葉裹之

間得數萬裹軍人食訖盡棄其餘

武帝前上食進飯曰此勞薪所

炊也帝密遣問之實用故車脚

餐飯又白居易寄元九詩曰憂我貧病身書來惟勸勉

上言少愁苦下言加餐飯

增西旅東牆

增雲子

增青精

增黃梁

增醉吐

增笑噴

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

增蘇軾

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

原五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

香五里

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

成蜂

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

飛還

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

衛瓘

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部

食物部







蜘蛛亦一匙宋史宣仁太后謂呂大防等曰公各去  
異事也吐飯史記周公一匙社飯明年社飯時思量老身也  
通沙入飯曰飯嗅曰伴飯賜錢囊飯皆號伴飯指揮使非有  
秩飯千魚朝恩判國子監賜錢囊飯以麻繩為帶又囊  
咸飯以擊其所為朝士共秩飯謝公碎金飯有越白飯宋蘇  
曰投壺擊鞠綠楊陰宰夫掌賓客以牢禮之法掌其  
牢禮委積膳獻飲食賓香積飯類苑云維摩居士  
國禮佛言願得世尊所食之餘欲以婆娑世界  
施作佛事如是香積如來以眾香盛飯與之清風  
飯末牛酪漿調事畢下水池冷透進之  
張協七命曰大梁之黍瓊山之  
禾唐稷播其根農帝嘗其華不周之粟南海之

和東湖之菰徐幹七喻曰南土粒各自分釋名曰  
饋音分半蒸飯也按成熟為飯論衡曰穀之始熟曰粟  
釜飯乃甘可食也菰糧雪累杜預七規云菰糧以糞梁香抗九  
折霜麵菰糧雪累雪累斑錦云菰糧萬鑿百陶  
上依法萬鑿百既滑且香丘之梁重穆代熟既滑且  
陶精細如蟻精縹粒赤身孔熯七引云芳抗胡縹粒  
香非異糧縹粒赤身赤身離和方願絕域累臻  
芳菲異糧縹粒赤身赤身離和方願絕域累臻  
鮮若朝雪餘糧鮮若朝雪流曜飛芳散如細蟻  
桓麟七說云香箕為飯雜以雪流曜飛芳散如細蟻  
梗菰散如細蟻聚若凝膏御宿青糶乃有西旅游  
青糶河內旨稻袁子云河內青糶乃有西旅游  
治飯自藜藿食名尊于實也宮人持飯遺事  
食物部



須索飯 東軒筆錄云宋章惇少善養生嘗云遇飢雖不相識處亦須索飯若食飯時見爺亦不拜

惠州飽飯 黃山谷詩東坡謫嶺南時宰欲殺之飽魚修行清白嘗召見上曰聞卿為吏不

漢第五倫 字伯魚修行清白嘗召見上曰聞卿為吏不

過從 兄飯寧有之邪對曰臣生遭饑饉米石萬錢實不

敢妄過 惟堪噉飯類為宰相賀若弼曰此二人惟堪噉

飯 是何意也獨對曰誠有是言

人 怒甚然其功持今際名

與令對飯 漢書云薛

受取 乃密以手書曉之

終無 怨言而樂賜之游自得亦解印綬去

宣 獨移書顯貴之游得徽亦解印綬去

宋張 文定公安道平生未嘗不衣冠而食當暑月與其

婿王 鞏同飯命鞏帶衫帽自如鞏不敢曰吾自布

衣諸 生遭遇一飯皆君賜也享君之賜

敢不 敬乎子自食某之食雖褫衣可也

以備 陰雨

守備 曰乾飯人

宿歲之儲 時鏡新書曰歲暮家家具

入新 年名為送歲留宿飯至新年十二則棄于街衢以

為去 故取新除貧取富又留此飯驚蟄雷鳴鄰之屋上

聲遠 車載餉軍

張衡 思元賦云屑玉蕊以

為糧 分割白水以為漿

客餐 主人辭以疏人之食

陽山之稼 九期之禾

釋之 叟叟丞之浮浮

飯取而食之 家語曰孔子厄于陳蔡從者七日不食于

食物部

昌黎真高卷三十八

飯

三



壞屋之下有埃墨隨飯中願回取而食之子貢自外望見之以為竊食入問孔子召顏回曰疇昔余夢見先人豈或啓佑哉哉子炊而進飯我將祭焉對曰向有埃墨隨飯中欲置之則不潔棄之則可惜回即食之不可祭也  
鼠泚飯中捐而不食論衡南箕無舌飯多沙糖易  
大畜之畜天也惟牀不成文音無言飯多沙糖  
嬰兒之戲以塵為飯見總

飯五

**增**詩唐張賁以青餽飯送龔美魯望詩曰誰屑瓊瑤事青餽舊傳名品出華陽應宜仙子胡麻伴因送劉郎與阮郎皮日休答詩曰傳得三元餽飯名大宛聞說有仙卿分泉過屋春青稻拂霧影衣折紫莖蒸處不教雙鶴見服來惟怕五雲生草堂空坐無飢色時把金津漱

一聲 陸龜蒙答詩曰舊聞香積金仙食今見青精玉斧餐自笑鏡中無骨綠可能飛上紫霞端

餐

**增**適館 詩曰適子之館兮 下士 古君子行曰周公下

餐錢 漢高后紀賜餐錢注厨膳錢也又通典唐詔丞相位尊而堂厨未復無餐令日食萬錢之半

廊餐 五代會要曰唐制常參官每朝退賜食謂之廊餐又宋建隆元年伏退賜食廊下即廊餐也

不素餐 詩彼君子兮 不能餐 詩維子之故使

朝服設餐 儀禮云卿致賓 晏進糲餐 新序云魏文侯

糲餐之食 傳餐而食 漢書云韓信欲東擊趙令其裨

飯也 飯也 食物部 日益頁白卷三百八十一 飯餐 三



淵鑑類函卷三百八十八

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百



